



सानसेयारि बड'सा

सानसेयारि "बड'सा" खरीरालाइयाव समाज्यादि जिउजो लोखा थाबाय रायथाय, खन्थाय, अल, अल'बाथा आरो दावबायारि थावनि, पार्क बाइदिबि स्यायाव लिन्नाय लिन्बिबां धैथाय ठर। सानसेयारि "बड'सा" खरीरालाइया सेबरानाबै फोखावगोने।
बड'सायाव लिन्हन्नायनि दुबा अलालाम, "बड'सा" खरी नोथों, जों बयबो आंगो अलालाम।
सानसेयारि बड'सा मावखुनि
माइबं नोगोर, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Monday ★ 19 August, 2024 Kokrajhar, BTC, Assam ★ Vol.- 34, Issue No.144 R.N.I.Regd.No.40994/91, Assam Govt. Regd.No.IPRD.40/2006/3, ★ Rs. 8/-

आसामनि राइज्यो बेंगिरिआ रक्षा बन्धन फोर्बोनि बयनिसिम गाहाम हामब्लायथि जासिहरदों
गुवाहाटी, 18 आगस्ट: आसामनि राइज्यो बेंगिरि लक्ष्मण प्रसाद आचार्यआ आसामनि राइजो-राजाफोरनिसिम गोथार रक्षा बंधन फोर्बोनि गाहाम हामब्लायथि बाउहरदों। राइज्यो बेंगिरि आचार्यआ गांसे रादाब बिबुंसारनि गेजेरजों बुडेदि, 'रक्षा बंधन, मोनसे जोबोनो गैथे (□ 5 बिलाइआव)

चिरांनि दाब-दाब जायगायाव आरसिसि दालां लुफुंनयनि अन्थाइ खाम्फा गायसन्दों बिटिआरनि गाहाइ प्रमद बर'आ

काजलगाव, 18 आगस्ट: प्रमद बर'नि दैदनाय सोलिफु बिटिआर सरकारआ सोलेंथाइ, गेलेमु, हरिसु बायदि बिथिडाव थाद'नाय गैथे जौगालु खामानि मावनाय आरो सुबुं अन्साइलु खामानि मावनायजों लोगोसे गामिआरि ओन्सोलनि सुबुंफोरनि हान्थामेला खाबुनि थाखाय लामा, दालां लुफुंनय आरो बायदि जौगाथायारि फंसथानफोर लुफुंनयाव उन जानानै थायाखै। बेबायदिनो



दिनेबो चिरां जिल्लानि दाब-दाब जायगाफोराव दिने बिटिआरनि गाहाइ खुंगिरि प्रमद बर'आ मोनब्रें गेदेर दालां लुफुंनयनि थाखाय अन्थाइ खाम्फा गायसन्दों। थारैनो बिसायख'थिनि समाव राइजो-राजाफोरनो जौगालु खामानि मावगोन होन्ना खोथा होनाय बायदिथै सोलिफु बिटिआर सरकारआ गांसे बिथिडाव थाद'नाय गैथे जौगाथाइ खामानि (□ 5 बिलाइआव)

सुवालकुसिनि मनसा फुजायाव डो हिमन्त बिश्व शर्मा आरो रमेन डेकाया बोर लाहैदों



गुवाहाटी, 18 आगस्ट: सुवालकुसिआव मैयानिफ्राय 4 साननि हाबाफारिजों ओन्सोलनि श्रीश्री गनेश बिग्रहआव मनसा फुजा खुदों। दिने मनसा फुजायाव नुजाथिहेनानै बिमा मनसानि बोर लाहैथो छत्तिशगइनि राइज्यो बेंगिरि रमेन डेकाआ। लोगोसे आसामनि गिबि मन्थि डो हिमन्त बिश्व शर्माआ जर'खा जेनानि थाखाय मनसा मन्दिरनि बायजोनिक्रायनो (□ 5 बिलाइआव)

बि टि आर गोरोबथानि दफा मावफुंनयनि सायाव एबसुनि आफादगिरि दिपेन बर'नि खौरांगिरि मेल बि टि आर गोरोबथानि दफाफोरखौ मावफुंनयाव मिरु आरो राइजो सरकारआ लेहेम खालामदों: दिपेन बर



कक्राझार, 18 आगस्ट: (एबसु) नि आफादगिरि दिपेन बिटिआर रादायखो नेवसिनाय जादों। बेबादि गोखों अजदखों दुलाराय बर' फरायसा आफाद

मोनसे खौरांगिरि मेल खुंनानै बर' नख'र थानाय गामिफोरखौ बर' कछारि कारजन्सलआव राइज्यो बेंगिरि बिथोनमा बादियै राइज्यो सरकारआ गामि थिसन्नाय एबा बियाबखौ थि खालामनयनि जाय थोखि लादों बेथो बरायजाथाव। नाथाय राइज्यो सरकारनि नेहाथारि बनिता पेगुआ जिल्ला क मिसनार फोसावथाय (□ 5 बिलाइआव)

कक्लाबारि चापागुरि फरायसालिमानि 12थि गाइसन्थाइ सान फालिदों



सिमला, 18 आगस्ट: बाक्सा जिल्लानि सालबारि महकुमानि सिमलानि हनुवायाव थानाय कक्लाबारि चापागुरि फरायसालिमानि दिने 12थि गाइसन्थाइ सान। फरायसालिमानि गाइसन्थाय सानखौ दिने सानसेनि मेहेर गोनां हाबाफारिजों फालिनाय जायो। मख'नो गोनादि, कक्लाबारि (□ 5 बिलाइआव)

चापागुरि फरायसालिमाखौ ओन्सोलनि फरायसाफोरनो गुन गोनां गोखौ सोलेंथाइ होनायनि थांखिजों थानाय 2013 ई माइथायनि 18 आगस्टआव गाइसन्दोंमोन आरो दिने बे फरायसालिमाया 12 बोसोर आबुं जाबाय। बेनिनो दिने कक्लाबारि चापागुरि फरायसालिमाया 12थि गाइसन्थाइ सानखौ सानसेनि मेहेर गोनां हाबाफारिनि गेजेरजों गाजा गोमजायै फालियो। गिबियाव दिने फुंबिलियाव फरायसालिमानि फिरफिला बिरहोनायजों हाबाफारिया जागायजेनो आरो फिरफिलाखौ (□ 5 बिलाइआव)

सिलचरआव खुंनय नायफामफिन्नाय मेलानि मन्थि रन्जित दासआ बाहागो लादों



गुवाहाटी, 18 आगस्ट: मिरु सरकारआ आसामनि थाखाय गनायथि होनाय 20 लाख गाहाइ मन्थि आवास बिथांखिनि गेजेराव 19 लाख न'फोरखौ लुनाया आबुं जाखाबाय। बे 19 लाख पाक्का न' लुनाय खामानिया थानाय सनिबारखालि आबुं जादोंमोन। दिने गामियारि जौगाथाय आरो पन्चायत आरो जाग्रा आदार, जगायथाय बिफाननि मन्थि रन्जित (□ 5 बिलाइआव)

कक्राझारआव इउपिपिएल दोलोनि कर कमिटिआ सावराय मेल जथुमदों



कक्राझार, 18 आगस्ट: कक्राझार सहरआव थानाय इउपिपिएल दोलोनि मिरु आफादिनि मावखुलियाव दोलोनि आफादगिरि आरो

बिटिसिनि गाहाइ मावफुं सोद्रोमा प्रमद बर'नि आफादगिरि मासि सामब्लायनायाव मोनसे गोनांथार मेल जथुमो। बे मेलानि मन्थि उखाव गोर ब्रह्म, कक्राझारि एमपि जयन्त बसुमतारि, रोन्गोर नाजरी, एमएलए लेस्से इस्लारी, बिटिसिनि बुंथिगिरि कातिराम बर'जों लोगोसे कर कमिटिनि सोद्रोमाफोरा बाहागो (□ 5 बिलाइआव)

काजलगावआव मुंख्लं सुजित नार्जरी गोसोखां मेल जथुमसालिनि अन्थाइ खाम्फा गायसन्दों



भवानिपुर, 18 आगस्ट: देरहानाया रोखा। फेगौ बिधान सभानि उफ्रा बिसायख'थियाव दरफोमबो बियाबफोरावनो एनडिनि फिथाइया रोखायै मोजां जागोन। इउपिपिएल दोलो आरो एनडिनि सावरायलायनाय बादियै जुथायै (□ 5 बिलाइआव)

बिसायख'थियाव वादायलायगोन। बेबादि बिबुंथिखो दिने खौरां बिजोनिसिगाडाव बिटिआरनि गाहाइ मावफुं सोद्रोमा प्रमद बर'आ चिरांनि काजलगावआव बर' सोमावसारनायनि गिबि मुंख्लं सुजित नार्जरी गोसोखां मेल जथुमसालिनि लुनाय खामानि अन्थाइ खाम्फा गायसन्ना नै होदों। प्रमद बर'आ खौरां बिजोनिसिगाडाव बुंदोंदि, बिटिआरनि आधिखालाव थानाय दर ब्रैजि बियाबआव (□ 5 बिलाइआव)

निज कलाइगावनि दोंसे जोबोद मुखुब जानानै थाग्रा लामाखौ राइजो-राजाफोरा लुफामफिन्दों



कलाइगाव, 18 आगस्ट: आधिखालाव 3/4 बोसोरनाडे क लाइगाव-उदालगुरि पिडिब्लिउ लामानि माजर सुबानि गंसे कालभाटखौ दै बानानि लोमसावनाया बोहेखारलोनयनि उनव गामियारिनि निज कलाइगाव उफ्रा लामायानो हान्था-मेलानि मोनसेल'मुखुब जानानै थाग्रा लामा जानानै दड। (□ 5 बिलाइआव)

खारिजा बिजनीनि बारापेटा मोब्लिबनि बिल बांनयखौ लानानै राइज्योफोरा खुद्रिखांदों

आसामआवनो असमीयाफोरखौ मुसलमानआ गाग्लोबनाया दुखुनांथाव: पियुष हाजरिका



गुवाहाटी, 18 आगस्ट: मन्थि बियुष हाजरिकाआ दिने बिस्वनाथ जिल्लानि दिथागिरि मन्थि आरो आसाम सरकारनि

सावरायनाय हाबाफारियाव बाहागो लायो। फेगौ उफ्रा बिसायख'थियाव बिहाली बियाबाव बिजेपिनि देरहानाया रोखा होन्ना फोरमायनानै मन्थि हाजरिकाआ सामगुरि बियाबावबो दोलोनि मोजां फिताइ जागोन होन्नानै बुडे। गुबुन फासैथि, बिजेपिआव बिजाथिखौ लानानै बेले-बेले (□ 5 बिलाइआव)

कच राजबंसिनि गोमालानाय जारिमिन आरो मोन्थायखौ रैखा खालामनो गासैबो खौसे जानांगौ: क्षितिश राय



गुवाहाटीआव आम आदिम पार्टिआ हान्जा सुरना सोमावसारदों

कक्राझार, 18 आगस्ट: 1990 माइथायाव आक्रासुआ जोनोम जानायनि उननिफ्राय हारिनि मोन्थाइ आरो मानखौ हास्थायनानै लान्थिथै सोमावसारनो गोनां जादों। बेनि जाहोना जारिमिनारि एबा मुंदांखा मोनसे हारि जानानैबो दिने जौनि (□ 5 बिलाइआव)



सालबारि, 18 आगस्ट: बाक्सा जिल्ला सालबारि महकुमानि खारिजा बिजनीनि सिडाव थानाय बारापेटा मिलन बाजारव मोब्लिबनि बेसेन बांनय आरो स्मार्ट मिटरनि बेले-बेजे जानाय थासारिखौ लानानै दिने खायसे राइजो-राजाफोर ओंखारबोना नै खुद्रिखांदों। मख'नो गोनादि, स्मार्ट मिटर आरो मोब्लिब बिल बांनयखौ लानानै राइज्योआव दुंहाव थासारि सोमजिबाय थानाय समावनो बाक्सानि बारापेटा मिलन बाजारवबो मोब्लिबनि बाहायगिरिफोरा हेंथा सोमावसारनाय हाबाफारि खुदों। मोब्लिब बाहायगिरिफोरा खौरां बिजोनिसिगाडाव गाव गावसिनि खुद्रिखांनयखौ फोरमायनानै बुदोंदि, (□ 5 बिलाइआव)

पासनै सेरफां बियाबनि बिपिएफनि हेफाजाबगिरिफोरा इउपिपिएल दोलोयाव हाबदों

माजबात, 18 आगस्ट: उदालगुरि जिल्लानि 39 नं पासनै सेरफां बियाबनि लाइमोन सेंग्रा-सिखलाफोरा बिपिएफ दोलोखौ नागरानै इउपिपिएल दोलोयाव हाबफैयो। बे हाबाफारियाव बिटिसिनि लेखइ गाहाइ मावफुं (□ 5 बिलाइआव)



गुवाहाटी, 18 आगस्ट: कलकातानि आर जि कार मेडिकल कलेज आरो देहा फाहामसालियाव जिनाहारि आरो बुथारनाय जाथयनि हेंथायै सोमावसारनायजों गुवाहाटीनि राजा लामाया गोमखांदों। आप (आम आदिम पार्टि)नि दैदेनगिरि आरो मावथिफोरा दिने (□ 5 बिलाइआव)



सुजुगिरिनि खोलोम खौसे जानायनि बाथ्रा

थानाय माखासे साननिफ़्रायने समाजआरि बिजॉफोराव बर'नि ओन्सोलारि रजखान्थि दोलो आरो आफ्रदफोरखौ सोलिफु आरो फँगौ सभाव नुजाफैनाय हरिनि बाइदिसिना जेंना, मोन्ने गोनॉ मोन्थाय, दाबि-दावा आरो बिटिआर रादायनि आद्रा जानानै थानाय दफाफोरखौ मावफुनेो हानाय बादि खौसे जालानायनि बाथ्रा बुंनय आरो सावरयनाय सुबुंफोरनि गेजेराव गोबांथारे नुनो मोन्नाय जादों। खौसेथि जानो हायोक्ला गोछों जायो आरो देहानायबो फैंयो, बेयो सैथो बाथ्रा। मोनसे सभाव राजा गोनां, रङ्ग्यो गोनां बर'फोय खौसेथि गैलायैनि जाउनाव रङ्ग्यो-फोरजा गोमाजानानै आलाइ-सिलाय सेरेखाय-बेरेखाय जानानाय जायिमिना दाबो जॉनो फोरमायो। खौसेथि गैयैनि रङ्ग्यो खोमानानाय, थामोन्थायवा सोरगिदि अलखद साग्लोबनो हम्नाय, रव-हारिमु गोमालांनो हम्नायाव सुथुरनि नासयनाय, गादबनाय आरो सोबख'नाया सहायनो हायै बादि बांबोनाया बर'फोरखौ खौसेथियाव फैनानै सोमावसासनो गोनां खालामदोंमोन। दिने बर'फोर खौसेथिनि गोहोचॉं गावनि होन्नानै दलरसे बिथा सोरिजानै लानो हाबाय गोलाव सम सोमावसारनायनि फिथाय महरै। नाथाय बेनो थोजासे नडा, थुंगि दड्क्लाबो होबथानो हानायनि दाहाल गैजायै बादि गुबुननि सायाव लामा नायनो गोनां जानाय बिथाखौ फारफोमबो बिथिडवबो गोछों, खोमथा आरो जौगासाद खालामनानै गेवलंसार महर होनायनि गोनांथि दड। अब्लासो हारिया गुबुनफोरजॉं सभानै आगान सुरलांफोनो हागोन, हारिनि रव-थुनलाइ, हारिमु-आसारखान्थि, रंखान्थि-रजखान्थियाव गोछों जागोन आरो रेंखाथि मोन्ने हागोन। बेनि थाखाय खौसेथिनि गोनां जागोन। बड'फाआ बुंलांदों-खौसेक्ला थानानै थागोन, गावसक्ला सेरेखाय-बेरेखाय जागोन।

दासान्दि जॉनि सानगोरों माखासे सुबुंफोरनि गेजेराव खौसेथिनि बाथ्रा सावरयबाय थानाय नुनो मोनसो गादों। रजखान्थि हान्जा आरो सान्नाय-हनाय आदर्शफोग गुबुन गुबुनक्लाबो हारिआव माबा मोनसे खेदों-अलखद फैथावना नुहरोक्ला गिखॉंनाय, गोसो सिडव गावखॉंनाय आरो बेनि होबथानाय, बागर 'नायनि रहा दिहुन्नायनि लामा नागिरो। हारियाव माबा मोनसे खहा गोनां थासरि फैथावना नुहरोक्ला खौसे जानानै गसंनानयनि बाथ्रा सानो आरो सावरयो। बावैसो सिगां फँगौ बोसोयव खुँहैने गोनां बिटिसि बिसायख 'थियाव गेरूवा हान्जाया हासिंडे बादायनो नागरिनायखौ गेवलं फोसावथाय होनायनि उननिफ्रायनो जॉनि फिसा हालामाव हारिनि सार्थआव दाफुनाय रजखान्थि दोलो आरो आफ्रदफोरनि गेजेराव खौसे जानांगीनि बाथ्रा सावरयनाय फेदों। गोबांनानो सान्नाय सौफेदों माहारियारि रजखान्थि दोलोनि आखाइयाव बिटिसि हालामनि खुंथाय गोहोया थानांगो जायोक्ला दरसे फिसा गाव खुंथाय हालामनि इडुन दाथाया मा जाहेनो हागो आरो बेनि थागिबि सुबुं बर'फोरनि रव-हारिमु, रंखान्थि-रजखान्थि जैरेबो-जेरावबो जेंना-हेंधा फँगोन नामा बे सान्नायनि बिजाउनानो खौसेथि जानांगौखौ सानखॉंहोदों। बेजों लोगोसे आद्रा जानानै थानाय बिटिसि, बिटिआर रादाय मावफुनायव गोहैलो जालांगोन नामा बेफोर बादि सान्नायबो सौफेदों देदेनगरि आरो रङ्ग्यो-रजा सुबुंफोरनि गेजेराव। फिसा ओन्सोलनि जेंना बोसांनानै बेनि थागिबिफोरनि जौगानाय लाबोनायाव ओन्सोलारि दोलो-आफ्रदफोरनि खुंथायजॉसो जाफुसाराय फँगोनखौ फिथाय गोनांसिनि नुहरो। बिसायख 'थिनि दासिम फोसावथाय होनाय जायाक्लेक्लाबो हारिनि सार्थआव दाफुनाय दोलो, आफ्रदफोर सिगांछो खौसेथि जानांगौखौ लानानै जैबादिये हासिनाडेंनो सांग्रां जानायखौ नुनो मोन्नाय जादों, बेयो मोखथाडव महर मोनोक्ला सोलिफु आरो इयुनिनि सभावबो सान्नाय बादिये जाफुसारायखौ मोनहैने हागोन होन्नानै मिजिंथिनो हायो। □

दिनेनि फाज्जामुथि

राशि बाइदिये मुंनि गिबि हांखो
मेघः अ ल वृषः ऊ ब (उ ए इ) मिथुनः क छ (ङ घ) कर्कटः ड ह सिंहः म ट कन्याः प ठ (ण ष) तुलाः त र बृश्चिकः ब न धनुः ध भ (ढ़ फ) मकरः ख ज कुम्भः ग श (स) मीनः द च (ख ज झ)

- मेघः** मोजा रेंगिथि जानो हानायनि मान मोन्ने हागोन। गोजोन मोनगोन। मोजां सान।
- वृषः** खामानि-दामानि मावनायजों मुखुब जानानै थानांगोन। गोसो हम्थानानै सोलिनांगोन।
- मिथुनः** मान-सन्मान मोन्नाया बांगोन। फारफोमथिनिफ्रायबो मोजां। गोजोन्नाय मोनगोन।
- कर्कटः** जेखि जाया बादाया मानो देहासार जानो हागोन। बे राशिनि थाखाय मोजां सान।
- सिंहः** बेफार फालांगि मावनायाव रंखावरि खहा जानो हागौ। सांग्राइः मावनांगोन।
- कन्याः** जेखि मावा फालांगिआव मुलाम्फा खालामनो हागोन। मोजां सान।
- तुलाः** माखौवा लानानै गिखॉंनाय मोन्ने हागौ। गोसोफोरखौ लोरवां लानो नाड।
- बृश्चिकः** बहाबाफोर दावबाय हैनो मोन्ने हागौ। गोसोखौ गोजोन मोनगोन। मोजां सान।
- धनुः** जैरेबो गोहो-बोलोखौ मोन्ने हागोन। नख'रआ जौगाखांगोन। मोजां सान।
- मकरः** गावनि अहंखारनि थाखायनो जेंनायाव गोरलैने हागौ। गोसो हम्थानानै सोलिनांगोन।
- कुम्भः** गावखौनो गाव मोजां खामानि मावनो हानानै गोगानायखौ मोन्ने हागोन। मोजां सान।
- मीनः** नख'रआव माबाफोर जेंना नुजानो हागौ। गोसोखौ शान्ति गैयै मोनगोन। गोसोखौ हम्था।

रंमेड नागा ट्राइबेलआ एनएइस-37 आव सिमना गैयै समनि थाखाय होबथानाय जाबसिन्दों

इम्फल, 18 आगस्ट: आसाम, मणिपुर आरो नागालैन्डआव थाग्रा मोनसे हादतरयारि तिब्बती-बर्मा फोलैरारि हान्जा, रंमेड नागा ट्राइबेलआ रंरिबवार (18 आगस्ट) खालि हर गेजेराव एनएइस-37 जॉं लोगोसे गाहाइ लामाफोरखौ सिमना गैयै समसिम होबथाना लाखिनायखौ जागायदों। वे थॉखिखौ मणिपुरनि उनाव लानाय जादों। खुंथाय आरो जौगाखां हाबाफारिफोरखौ कुकि गोहोम गोरलैनाय चुराचान्दपुर आरो कांपकपि जिल्लानिफ्राय नागा-गोबां ननि जिल्लयाव



समनि थिननायाव

'सुंद' सल'
कामेश्वर बर'
गामि:- खासिबारि

आब'
अननाय नाजाव
लाइजामखौ मोननानै जानांगौ आब' आ गोजोनगोन। लिरा होनानैनेो सान्दोंमोन नाथाय गोबॉंनि गावफ्रामनायखौ हम्थानानै दोननो हायैनि थाखाय लिरबाय, लिरनो नांवाय। आब' मा जाहोनाव (जोनोमनि लिंदेरनाय/गोसोनि लुबैन्या) मोनथिया खोरोमखौ आं गोबॉं गोसोजॉं मोजां मोन्नानै बिजॉंनो लोगोसे कटसिम थानानै हाबा जादोंमोन। मोन्थिगौ आब' जुलि जाखानाय सासे फिसायखौ बिनि बिसिनिफ्राय सेना लाबोनायें गुबुना बिनि जायगायाव आबुं खालामोक्ला सेजानाय बिसिया जा बायदि गोबॉंआव दुखु मोनो हागो, बे बाथ्राखौ आं नों न' गारनानै थानाय उननिफ्रायनो गोबॉंआव मोन्दोंदों। फारसैथि बिसि फिसाजों गोरुव लयाक्ला बिसिया जा बायदि गोबॉंनि गुवार लैथोआव बारसोमोनो गोनां जायो बेनि फिथायखौनो आं दिहुनानै लादोंप नों गैथैनिफ्राय खोरोमा आंनि फारसे दिन्थिनाय आखुनिफ्राय। आब' बेफोर जियानो जादोंलिया, गोबां मानसिनि लाइजोनाय, लैजाखौ गोबॉंआवनो सिरियै दोन्दों आं। सान्दोंमोन सभाव गारसैथि थिग जालांगोन होनानै। नाथाय गैया जेबो जायाखिसे। गोबॉंनि दुखुनि जाबोरखौ नागरनो हायाखै आब'। खोरोमजॉं लोगोसे माबोरें थाना थाबावनो माथो खोमसि खोमसिसो नुहरबाय।..... गोबां आं पाप खालामबाय, नंगीना आब'। बेखायनो पापनि फिथायखौ आं मोनजानांगोन।.....आब' नों खोनानै आंखौ बायदि बुंनो हायै रावजॉं राय, नाथाय अक्लाबो आहा रहा गैया।..... गोबां सानबोलावरिनि गेजेरजों आं खोरोमजॉं दाडभारसिनि बाथ्रा सानबाय। आं मोनथिया बीयो आंनि पापनि फिथाय नडा, पापखौ मानिना लानायसे। आब' बे जेनोमाव नॉनि गोबां सुख' हायै इनाय खालामबाय, बेनि थाखाय आं निमाहा लुबैया, लुबैयो खालि मोजामसे अन्याय। आसा खालामो, बे अन्यायखौ मोन्नायाव आंखौ नों आब' आ जेबो हेंथा होनाय नडा। आब' नॉंखो बे सभाव मोन्ने जोबोद लुबैदोंमोन, नाथाय.....। लाइजामखौ फरायखानानै बिसिनानै सांग्रां। मानोना बेयो नॉनि जेबो खामानियाव फैन्याय नडा। आरो एसे बाथ्रा आब' खोरोमनि जिउआ जुदि नों गोदान जिउ जोनोम होफिननो, अब्ला बुहुमनि गिबि सुखि जानाय सुबुड आंनो जागोन। आरोबाव खुलुमबावना, फोजोबबाय। नॉनि बिनानाव

अलकाया लाइजामखौ गले गले फरायनानै परट अपिससिम आवगायबाय, गोजौ अखोरिंथि खेबसे गोलाव हं हगारनानै। मनजुआ लाइजामखौ मोनबाय। मोनानै खोरोम ओ अलकानि फारसे दुखुबो नांवाय। आरोबाव लाइजामनि जोबथि रव मनजुखौ बांसिनि दुखु होजावबाय। गाव बिदि फिनायाथि मोजां जामारदों। खोरोमखौ लानानै जोबोद सुखिमोन मनजुआ, नांगैखिनि गारिबो सुखुखौनो खोरोमनिफ्राय मोन्दोंमोन। खोरोमाबो बेनि उल्था नडमोन। सम सम खोरोमा मनजुखौ सोडेंमोन- "आंखौ लानानै नों सुखिना..... ? मनजुआ नंगौनि इसारा होदोंमोन ओ बुदोंमोन- नों थारैने इन्टलिजेंट मेन। बेनि मानेया जाबाय, जुदि नोंबो आंखो मोजां मोनग्राफोरनि फारियाव गोरलैयोमोन अब्ला आंनिफ्राय नों जामगारनांगौ मोन। मानोना आं बेफोरखौ इसेबो मोजां मोन। खोरोमा इंसिसआव ग्रेजुयेट। माखासे असुबिदानि थाखाय पि.जि.खौ खालामाखिसै। मनजुआ सम सम सानखाडें, खोरोमा सासे मोजां फोरॉगिगि जाया लाबानो मानो फिसा फिसै थिकानि खामानियाव हाबखो ? मनजुआ मोजाडैने मोन्थिगौ, खोरोमा खन्थाय, सुंद' स'ल' एखभाव रायथायबो लिरनाय लायसिफोराव नुयोमोन। इंग्रजि खन्थाय आवरायना बान्था मोन्नायबो गोबां नैसोंन दं। फरायसा समनिफ्रायनो टेलैन्डखामोन। सासे मोजां फोरॉगिगिनि मासियाव ज'नो हानाय बिहा बवार जायगा दंमोन। नाथाय..... बेफोरखौ एंगारखो मानो..... ? मनजुआ सान्नाय आगोर मोना जायो। "नॉनियाय एसे बाथ्रा सॉनो सान्दोंमोन गात्रिमोन्नाय नडथ'..... ? मनजुआ खोरोमखौ सोंदोंमोन। "गात्रि.... ! नोंखौ गात्रि मोननो हागोन जातु..... ? जांभि, मोनसे नडा गोबां बार सोंजगोन..... बेसेबां गोसो जायो। मानोना बे मोन्थायखौ नों आंनिफ्राय लामाबनो सेना लाबाय। बुंनानै खोरोमा मनजुनि खबलायाव हांखो बोयो। मनजुआ खुसिजॉनो मिंसिबथाबो। दसे सम सिरि थानानै मनजुआ बुडे.....। "नों फोरॉगिगि जायालाबानो बेफोर थिकानि खामानियाव आखाय होनायनि माबा जाहोन दड..... ?" मनजुआदि बिदि सॉनाय सॉंगोन होना खोरोमा जेक्लाबो सानाखैमोन। खोरोमा उसु खुतु जायो। बाथ्राखौ सोंफलांनानै मनजुआबो बोरैबा मोनो। "मनजु आं उदांश्रीखौ मोजां मोनो। मोजां मोनो मोनसे उदांश्री जीउ। साकरियाव नाथाय बे मोन्थाया गैया। बुजिबाय दा..... ? बिदियेनो बारलांदोंमोन आलो गोजेनहाय बिसोरनि जीउआ। समा सोलाय सुला। बियो बार' लानाय दिनफोरखौ जायिमिनाव सोलाय होयो, आथिखालखौ गोजाम खालामो आरो गोदानखौ जेक्लाबो बरायनो सांग्रां जानानै थायो। "गुफुर् गोसोम गांजों सम सिखिरिया बिरलाडो बबेयावबा सिरियै।" खन्थाय गिरिनि बाथ्रायानो सैथोमार। अब्लाबो समाया जॉंखौ फोरोडोबो। मोन्थिये बाथ्राखौ मोन्थि होयो। खोरोमा मनजुनि लामा दिन्थिगिरिमोन। नाथाय उनावजाबाय बे लामानिनो गिदिर सोरनि इनजुर। जेक्लाबो खोरोमा धोन, सम्पति, बैंक-बैलेन्स, गारि, नखो लानानैनो मुखुब। मनजुआ लासे लासे मोन्दोंदोंमोन, खोरोमा देहानि गांनयखौ सुफुंनयनि अनगा गुबुन सभाव मनजुनि सेराव साफिन्या। खासि देहानि गांनयखौ सुफुंलानायनो बिसि

फिसायनि गोजोन जीउ जानो हाया। बिदि अनलायनायनि जिउ लामाया फिसानो जानो हाया। मानसिनि जिउ संसाराव बेनो गिदिर जाहोन। बे गोजोनखौ नागिरनो थानायावनो मनजुआ आनलित नुबाय। अबोला संसार जानायनि गोजोना बहा..... ? ? मनजुआ गुबुन सानफोरनि बायदिनो सिथलानि देबदारु दंफां सेराव जिरायना रादाव बिलाइ फरायनाया दिनेबो मुखुब। बे सभावनो लांगोनायाव गोजा रनि (गाव) मारुटि कारा दोम थाफैयो। मनजुआ करखौ सिनायनायाव जेबो गोने गोथो जायाखे मानोना करार खोरोमनिनो। गारिनिफ्राय खोरोमजॉं लोगोसे आंखारफाबाय सासे जारो मारो जौप्रां देरस्रां जिस्सजों लोगोसे गलस गान्नाय सिखोला। सानैबो लहानि गेदखौ खुलिना हावफेबाय। "मनजु, बियो अलका, अलका बसुमतरा। डि.आर.डि.ए.नि अपिसार परसे बसुमतरानि फिसाजो। वै लिकानि खामानियाव बिथानिसिम गले गले थॉंबाय थानायावनो बिजों सिनायलायो। बे सिनाय लायनायावो आंखौ आंगो खालामबाय..... आरो दिने जौंहा कट' आव रंजिसदर हाबाबो जालांबाय.....।" हं खुनसेयैनो जोबोद गुर्यै बुंनानै खोरोमा र्भाव हाबहैबाय। अलकानि मोखाडव अक्ला लाजिनायनि सायखं बेखरदोंमोन। उन उन बिबो र्भाव खोरोमजॉं हाबहैदोंमोन। मनजुआ सिमां नुखो ना मा..... ! माथो मेगनखौनो फोथायनो हातिया.....। खर' आबो गिदिंबाय.....। सानैसो समा बारलांदों। मनजुआ अलकाखौ विनावाव होनानै गोबांआव जायगा होनो हायाखै। आथिखालाव खोरोमा अलकाजों मोनसे खथायावनो उन्दुयो आरो मनजुआ हारसिं गुबुन ख' थायाव। खोरोमा मनजुखौ गावनि गोसो बायदियेनो सोलिनो उदांश्री होदों। बिनि जायथि जाया खामानियावनो खोरोमा हेंथा होआखै..... । होनायबो नडा.....। अलकाया मनजुखौ बिब' बायदियेनो मानि बोदों, रायन्थायदों। नाथाय मनजुआसो अलकानि फारसे अन्याय होफिननो हायाखै। थारै मनजुआ अलकानि अन्यायखौ नाजाबोक्ला गावखौनो गाव थयायनाय जागोन। अलकाया मोनथिनानै मनजुनि जोबोद इनाय खामानि मावबाय। जुलि लाखानाय सासे सिनायजॉं मोजां मोनन्जानायनि खेला गेलेनाया हिन्जाव माहारिनि थाखाय जेक्लाबो आजावथाव जानो हाया। अलकाया मनजुखौ नारभास खालामदों। बिदि नारभासा जाबाय आत्मा जों सोमोन्दो थानाय एवा गारसै हिन्जाव माहारिखौनो फुनाय गोसोम हांगारनि दागो। जायखौ हुखुमोथोनो गोत्राव जायो। मनजुआ वे बाथ्राखौ मानिनाय सोलिदों। बेखायनो मनजुआ अलकानि फारसे अन्याय जासिफिननो हायाखै। आरो अलकाया.....। अलकायाबो हिन्जाव माहारि। मनजुनि गोसोखौ बिबो मोजाडैने मोन्दोंदों। बेखायनो जानांगो सम सम बिब'नि सेराव निमाहा बियो.....। "आंहा गोरेंथि जाबाय आब'। गोसोनि मबेबा मोनसे अंगनि लोबॉंथिनि थाखाय गोरेंथि हावफेलांबा। बे गोरेंथिखौ माबोरें सुद्रायफिननो... ? आंखौ निमाहा मोदो आब'। निमाहा.....। थाबनो मनजुनि खुगानिफ्राय राव स' गलाडो। हामारगोन ना निमाहा होनो अलकाखौ..... ? थारै अलकाया निमाहा मोन्थाव मारना..... ? मनजुआ खेबसे नडा खेबनै नडा, खेब साननानै नायबाय। "मनजुआ उअलका खेबसे निमाहा होबाय। नडा.....नडा मनजुआ फोथायना लानो हाया.....। मानोना अलकाया मनजुनि जानो लाफुनायथोरिसिनि आंखामखौ सेना जादों, आलो गोजोन मनजुनि जिउआव नर आर लागायदों। बे अरजॉंनो दा मनजुआ गोसो गोबॉं गांसिबो दोरफो दोरफो खालामजादों। मनजुआ न' आव दसेबो सम थानो हायि बायदि जाबाय। खर' मेलेमा सानै सानै गुदुं जाजोबबाय। मनजुआ सानसे रादाव बिलायाव मोनबायदि कक्राझारनि इरागडाव गोजू फरायसालियाव बड' बिजॉंनि मोजां केरियार गोनॉ फोरॉगिगि नांगो। मनजुआ थाबनो एण्लाइ खालामगारबाय। लोगोसेनो कल लेटर फैन्याय लेखा इन्टारभिडो हैबाय। नंगै इरोरा दंमारो। मनजुआ साकरिआ साकरिआ मोनमारबाय। एपरमेन्टआ परटजों फेना आखायाव गोरलैफेनायाव मनजुआ सारगोखौनो मोननाय बादि मोन्दोंमोन। गसाइखौ हाजार बार गाबत्रिदोंमोन। बावैने जइन जाहैसिगोन। मोजां केरियार गोनॉ फरायसामोन मनजुआ। मेट्रिफकआवबो बड' आव लेटर मोन्दोंमोन। नाथाय दिप्रिया कर्मफिलट जानायनि उनाव पि.जि.खौ फरायनाय सभावनो खोरोमजॉं बिफाया जुलि जाहोबाय। अब्लाबो मनजुआ दुबु गैयामोन। गोसो जानायमोनक्ला हाबानि उनावबो माबेबा मोनसे फरायसालियाव हाबनो हागौमोन। नाथाय बिहा गोसो गैयामोन। नाथाय समा सोलायसुला। हरखाबनो साकरिनि गोनांथिखौ मनजुनो समा दिन्थिना होफेदोंमोन। बिदियेनो साकरियावबो जालांबाय। गोबां बार उल्था फाल्थां साननानै खोरोमनो बाथ्राखौ फोरमायानायावो गहाम जागोन सानानै सानसे फोरमायबाय। "आं ककराझारनि गंसे गोजू फरायसालियाव एफयमेन्ट मोनबाय। समफोर जइन जानोसै।" खोरोमा माथो रोडै बबा बादि जाना मनजुनि मोखाड ग'ल' नायदोंमोन। मनजुआदि साकरिनि थाखाय एण्लाइ खालामदों लोगोसेनो गेजेराव इन्टारभिडो हैदों बे बाथ्राखौ खोरोमा इसेबो मोन्थिया। अबसे मोनथिनानयि लामाखौबो मनजुआ होखायाखेमोन। इन्टारभिडआव थानाय सभावबो खोरोमजॉं अलकाजों आलासिनि न' आवसोमोन।

मनजुआ इइन लानाया सान्थाम जाबाय। जोबोत गोजेनबाय मनजुआ फरायसालियाव हाबनानै। गहाया फोरॉगिगियाबो जोबोत मोजां माहि गुरै। जायखौ स्कुल माइन्ड होना बुडे। जइनि खालार खालि गहाय फोरॉगिगि बुंनय बाथ्राखौ लानानैने जोबोद नांथाबदों मनजुआ। नोंथ' मोजां केरियार गोनॉ फरायसामोन। नॉनि मार्कसिट आरो इन्टारभिडनि फारफमेनखौ नुनानैने जों मोजों मुं बे फरायसालियाव लाखिनो हागोन होना आंहा फोथायनाय दं"। मनजुनि लजिड सेरावनो। आथिजॉंनो थॉलाय फेलाय खालामो। साननैसो बुब्लिया फिडनो बिरलाडो। हानाय खिनिखौ मनजुआ खोरोम आरो अलकानि बाथ्राखौ बावना सोलिनो नाजादों। फारसैथि अलकाया अन्यायजों जै खालामदों खोरोमनि गोसोखौ आरो खोरोमाबो अलकानि लुबैन्या मानिखौ आबुं खालामदों। बेखायनो बे बिथिडव मनजुनि गोनांथिखौ सानफ्लाडखेमोन खोरोमा। नाथाय हरखाब मा जाखो..... मनजु थानायनिफ्राय खोरोमनि गोसोआ मा जाखो.....। मानो थारैने होआखै..... ? अलकानि जौमोन देहायाबो मानो गोजोन होनो हायाखै..... ? मानो..... ? कक्राझाराव फोरॉगिगि जानोदि मनजुआ थानो नाड, बे खिनि बुंनो हानाय गोहोरखौबो खोरोमा खोमानानै लादों। नाथाय अलकाया नोजेर होदों मनजु थानायनिफ्रायनो खोरोमनि गोसोआ मानोबा दरसि दरसि जादों। हराव उन्दुयोबोला जाय खोरोमा मिनिटसेबो सम हगरा बालानो अलकानि गुरै माहि फुरसब देहाखौ गोबाना खालाव गुष्टि गोदोना खुदुमोमोन, बे खोरोमा आथिखालाव अलकानि सेरावनो सलादें भुट बागो गोरलैसोना हरखौ बिदाय होयो। माखौबा साननानै हं गोलाव हागो गोरलै गिदिर। अलकानि जौमोन देहायाबो खोरोमखौ जेबो उल्था जाथाय सोमार्जहोनो हाया। अलकाया जोबोद दुखु मोनो। सिरियै गावखोमायो। "खोरोम, आं नोंखौ असाथि होबाय नामा ?" नॉनि गोजोनखौ आं सेना लाबोबाय होनो आंखौ नों बुंनो सानो नामा..... नडक्ला नॉनि आं.....। "नडा अलका, आंखौ नों असाथि होदों होना आं सानाखै। आंनि गोजोनखौबो सेनानै लाबोदों होना आं सानाखै। थारैने बाथ्राया एरैसोदि, मनजु थानायनिफ्रायनो आंनि गोसोआ माबिबा मोन्दोंदों, माबेबा मुं मोन्थिये आवेकआ आंखौ एकथुदोंं आं जोबोद हारसिं हारसिं मोन्दों अलका..... ?" "नों मनजुनि थायै एसेबां गोसो हगारदों.....।" "मनजुआदि आंनि बिसि.....।" "आंबोथ' नॉनि.....।" "नंगौ, आं माबलाबाबो नंखाय बुडाय। नाथाय मनजु गैथैनिफ्राय नखौनो मानोबा थोथैसालि बायदि मोन्दों। जेन गोथैसालिनि मायाबा मोदायासो आंखौ हमनो होसोबाय दं। थिगैनो थानो हातिया अलका।" खोरोमा गोरलै गथ'बादि गावबो हम्नो। खोरोमखौ लानानै सुखुनि संसार जानो लुबैन्या अलकानि जेथो नांवाय। जाय जेथोखौ आरो हावबावोक्ला खेबनो हानाय नंलिया। न' खरजों सोमोन्दो लाखिलिया मनजुआबो थानायनिफ्रायनो गैया। खोरोमा मनजुनि गोबॉंआव जा गाव फुनबाय बेनिनो फिथाय महरै दा मोनजाबाय। जाय फिथायनि रसआ गोखा गोखा खार्रां खहाबाय। मनजुनि सेराव थानानै खोरोमा निमाहा बिनो हानाय गोहोरखौबो दा बुधुमनो हायाखै। नाथाय मनजुआ बिखौखि निमाहा हागोन..... ? ? आथिखालाव अलकाया खोरोमखौ दाइभस खालामनयनि बाथ्रा सानो। गावनि देहानि फारसे सम सम द्रैसि आयनायाव नायो। नंगो दासो जौमोनि अंगफोगा गेजेर जाफुदों। दाबो जायथि जाया सासेजॉं जीउनि आद्रा बुदायखौ दैथायनो हागोन। जीउखौ एरैने एंगारनो हाया। दाइभस खालामनाय बाथ्राखौनो अलकाया खब जानाय बायदि मोनबाय आरो बाथ्राखौ मनजुनो मोनथि होनो थाखाय टैबल सिम आवगायो लाइजाम गॉंसिनि थाखाय। थाखौआव मानोबा मनजुआ गोसो गोसो नो हायि जादों। मानोबा खोरोमनि फारसे सानखॉंनया बारा जादों। नै दिनेबो मोननैल' क्लास लाना मनजुआ खथायाव फेदों। हरावबो मनजुखौ निन राथिया गोबानो हायाखै। गोसोखौ गोजोन होनो थाखाय जिंआव जेना गोजू अखोरिंथि हाथरिखि खारनायखौनो गोसो हगारना नायबाय थादोंमोन मनजुआ। टक..... टक.....टक.....। मनजुआ बागदावदों। हरखाबनो गिनानै आखायनि खोमोनफोर थिया थिया जादों। इसेबां हराव सार फेनो हागौ..... सहरनि गात्रि मानसि नडथ'..... हा.....। मनजुआ साननै ना.....। खामसालिनि सुरसिसखौ अन खालामो। जायगाया दसेनि लागैने सोरां जायो। गिलुं गिलुं लुदजसिम आगान फोलावो। नाथाय मा नुखो..... हरखाव नुफेरै जीब नुनाय बायदि मनजुआ गाबखावफलाडो। गिदिर मेगन, सानो हाथैवै गोलाव खानायजों लोगोसे गोलाव मोखनि खोमोन, दरखडवनों गसंनानै दड भुट महरै खोरोमा। "खोरोम नों..... बे हराव.....।" खोरोमा मिनिनो नाजयो आरो बुडे..... "गोमोनाय मोन्दों नडासै...। आं मोन्थिगौ नों गोमोखागोन। मानोना जेबो खौरं हारालाबासिनो आं हरखाव नुजाफैबाय।" खोरोमा गोलाव हं हागो। मनजुआ मोखनिफ्राय आथिसि मानो। मनजुआ खोरोमखौ सिनायफेरै नुफेरै मानसि बायदि नुदों। "माखो नायगोमाखौ मनजु..... ?" "अह..... फे सिडव जिरायफेरै.....।" सानैनिबो गेजेराव दसे निजिमो। जानांगो बाथ्रा नागेरना मोनाखै। उनावहाय मनजुआनो बुंवाय। "अलकानि लाइजाम गांसे मोन्दों.....।" "औ, अलकाया आंखौ दाइभस खालामबाय।" "आं गांसेखौबो मोनथिबाय.....।" "मनजु..... आं जीउखौ मोजां मोन्दोंमोन आरो मोजां मोन्नायनि थाखेनो आं नोंखौ आंनि जीउनि गुवार लैथोआव हगारनाय जिउनि बैठा महरै जायगा होदोंमोन। नाथाय बे जिउआ बवाव.....। सोरनि खैसाराव माबोरें जे खोमाखो..... आं जेबो हम्स'ना मोनाखिसै। आं मोनथिगौ..... नोंबो जीउखौ मोजां मोनो गोबॉं गोसोजों। जेराव इसेबो मैला गैया। बेखायनो जानो हागौ, बे नॉनि गोबॉंआवनो आं आंनि गोमानाय गोबॉंखौ मोनफिनो, बुफलेजानाय डिडया थोलैं थोरफोवै क्लाबो फिन गोजावफिनो बेनि थांथिजॉंनो आं नॉनिसिम फेबाय.....।" "आं बुजिस'नो हायाखै खोरोम.....।" "जांभि, बड'नि फोरॉगिगि जादों बेखौनो हमनो हालयाया.....। आं नोंखौ लांनो फेदों.....।" "खोरोम नों.....।" मनजुनि मेगननिफ्राय हरखाबनो रय रय मोदै बोहैबोयो। मोनथिया बे मोदिया सुखुनि ना दुखुनि। अब्ला सैमा सियालावो मुगासे उन्दुनानै दावराव खालामबायमोन। थरियाबो जिने बाजिनि सोदोव होबायमोन टं.....टं.....टं.....। □

गाहाइ मन्थि मदिजों लोगो हमनानै चन्द्रबाबु नायडुआ राइज्योनि थाखाय हेफाजाब बिदों

गोदान दिल्ली, 18, आगस्ट: अन्ध प्रदेशनि गाहाइ मन्थि एन चन्द्रबाबु नायडुआ शनिबारआव गाहाइ मन्थि नरेन्द्र मदिजों लोगो हमनानै रांखान्थिनि जेनाजों गोदोनाय गावनि राइज्योनि थाखाय रांखान्थियारि हेफाजाब होनायखौ बांहोना खवलायदों। सुलुनिफ्राय मिबथिनाय बादिल्ला, मिरु बाजेटीन उनाव मदिजों जयै गावनि गिबि जथुम्मायाव नायडुआ अन्ध प्रदेशनि थाखाय माखासे गाहाइ थांखि फोसावनायनि थाखाय बिथांखौ साबायखर होदों। बेयाव गोदान राजथावनिनि जौगानायनि थाखाय 15 रोजा कौटि रनि फनिडंआबो दंफायो। सुलुडव मिबथिनाय बादिल्ला,



तेलेगु देसम पाटि (तेदेपा) नि गाहाइआ राइज्योनि रांखान्थि थायारि चेलेन्जफोरनिफ्राय बारगनो आरो राइज्योनि जिडिपिखौ

बारायहोना थाखाय मिरुनिसिम खावलायदों। उनाव नायडुआ मिरुनि मन्थि निर्मला सितारामनजों लोगो हमो आरो गावनि राइज्योनों

ममता बेनार्जीआ गिबि मन्थि बिबानखौ नागारनांगौ होन्ना निर्भयानि बिमाया दाबि दैखादों

गोदान दिल्ली, 18 आगस्ट: कलकातानि आरजी कर मेडिकेल कलेज हस्पिटलआव ट्रेनिं लाबाय थनाय डक्टरखौ जिनाहारि खालामनाय बुथारनायनि उनाव हदतनाडै धर्ना होनाया सोलियो। बेनि गेजेराव दिल्लीनि हान्जायै जिनाहारि खालामनाय केसनि भुगिनांनय निर्भयानि बिमाया सोनाब बंगनि गिबि मन्थि बेनार्जीआ बिबान नागारनांगौ होन्ना दाबि खालामदों। निर्भयानि बिमाया बुंदोंदि, गिबि मन्थि ममताया डक्टरखौ जिनाहारि खालामनाय आरो बुथारनायनि हेंखायै धर्ना होनाय, खुद्रिसारनायनि उनाव थासारिखौ सामलायनायाव फेलें



फोरमान जाबाय। गिबि मन्थिनि सायाव निर्भयानि बिमा आशा देबिआ बेरेखा धर्ना खालामना सुबुंफोरनि नोजोरखौ फिदिनो नाजादों होन्नाबो दाय जाबसिनो। मख 'जाथावदि, गिबि मन्थि बेनार्जीआ कलकातायाव मोनसे रेलि खालामदोंमोन, जेराव जिनाहारि केसनि दायनिगिरिखौ फासिनि साजा होनांगौ होन्ना दाबि दैखादों। आशा देबिआ बुडोदि, दायनिगिरिफोरखौ साजा होना

नायबिजरनायाव गावनि गोहोखौ बाहायाजासे ममता बेनार्जीआ सुबुंफोरखौ फिदि-फिदा खालामनो नाजागसिनो। बिथाड गावनो सासे आइजो, राइज्योनि गाहाइ महैर बिबान आजावनानै दायनिगिरिफोरनि हेंथायै गोखौ नायबिजरनांगौ। नाथाय बेयाव ममताआ फेलें जानांबाय। बिथाडा बिबान नागारनांगौ, मानोना थासारिखौ बिथाडा सामलायनायाव फेलें जालांगसिनो। जेब्लासिम मिरु

आसामाव सासे फोरोंगिरिया फरायसानो पर्न भिडिअ दिन्थिनो नाजादों



करिमगन्ज, 18 आगस्ट : आसामनि करिमगन्ज जिल्लायाव गंसे सरकार फरायसालिनि गाहाइ फोरोंगिरिनि सायाव सासे फरायसानो थाखायाव पर्न भिडिअ

दिन्थिनो थाखाय गोनां खालामनायनि दायव केस थिसन्दों। थांनाय शनिबारखालि पुलिसा बेनि सोमोन्दै खौरां होदों। पुलिसा फोरोंगिरिनि हेंथायै

जिनाहारि खालामनाय दायफोरनिफ्राय गथ'फोरनो सँखाथि होनाय नेम-खान्थिनि माखासे आर्टिकलफोरनि गेजेरजों केस थिसनो। बे जाथाया करिमगन्ज जिल्ला पत्थरकान्डी बिसायख'थि ओन्सोलनि सनाखिरा इश्वर चन्द्र बिथासागर स्कुलाव जादों। हिन्जावसानि नख'रनि सोद्रोमाफोरा बुंनया बायदिल्ला बियो जाजेनायाव जाथाइनि सोमोन्दै फोरमायनो गिदोंमोन। नाथाय उनाव गावनि बिमानो बे जाथायनि सोमोन्दै

अरुणाचलआव 13 बोसोरनि हिन्जावसाखौ हान्जायारि जिनाहारि खालामनाय केसआव सा 15 ग्रेटार

इटानगर, 18 आगस्ट: बिबानगिरिफोरा फोरमायनाय बायदिल्ला, अरुणाचल प्रदेशनि गोजू सुबनसिरि जिल्लानि दापरिजआव सासे 13 बोसोर बैसोनि हिन्जावसाखौ सा 5 सुबुंफोरा गोब्रावै हान्जायारि जिनाहारि खालामो। बे जाथायनि खौरांखौ बै समाव मोनो, जेब्ला भुगिनांनयनि बिब'आ थानायव गिबि खेब खेस थिसनो। बिब'आ थानाय 28 जुलाइयाव जायगानि पुलिस स्टेशनआव केस थिसनो। बिब'आ दाबि दैखानाय बायदिल्ला, बिबि बिबानावखौ हान्जायारि जिनाहारि खालामदों आरो बिखौ गान्धी मार्केट ओन्सोलाव सानबासिम जोबथेना लाखिदों। सुबनसिरि जिल्लानि एसपि थुतन जंबाआ बे जाथायनि खौरां होनायै एफआइआआव साबा



सुबुंफोरनि सायाव जिनाहारि खालामनायनि दाय जाबसिनदों होन्ना बुडो। एसपिआ बुडोदि, एफआइआ मोनायाव जौ थाबैना गोथौयै नायबिजरनायखौ जागायो। नायबिजरनायनि गेजेरजों पुलिसआ साबा दायनिगिरिफोरखौ ग्रेटार खालामो, जायफोरखौ बाइ काजि, तपं बारि, राजु लंडक, जेपु लेया आरो नानेश नयाम मुडै सिनायथि होदों। गोनांथि जानाय बायदि फाहामथायारि नाइबिजरनाय आरो गासै

आयेनारि हाबाफारिफोरखौ फालिनायनि उनाव भुगिनांनयनि बिबि बिमा-बिफानो गथायफिनो होन्ना एसपिआ फोरमायो। बिथाड फोरमायदोंदि, दायनिगिरिफोर आथिखालाव पुलिस रिमान्डीन उनाव बिजिसारनि जिम्मायाव दड। आजदनि बायदिल्ला, दायनिगिरिफोर हिन्जावसाखौ थानाय 22 जुलाइनिप्रयनो गंसे न'आव जोबथेना लाखिदोंमोन आरो बियो 26 जुलाइ फुडव खारस'नो हयो।

आसाम पुलिसआ डेंगरबन्डआव 20,000 याबा टेबलेट जब्द खालामदों



गुवाहाटी, 18 आगस्ट: आसाम पुलिसआ डेंगरबन्डआव 20,000 याबा टेबलेटजों लोगोसे सासे सुबुंखौ ग्रेटार खालामो। जख्खा खौरांनि सायाव नायबिजरनायै करिमगन्ज पुलिस मावसुमाफोर थानाय 17 आगस्टआव डेंगरबन्डआव मोनसे फेग्रा बेसादनि हेंथा हाबाफारि सालायो। बेयो

रं बेसेननि याबा टेबलेटखौ जब्द खालामदोंमोन। सिमना रैखाथि हान्जा (बिएसएफ) नि 16थि बेटेलियानि गेजेरजों खौरां मोन्नायनि सायाव नायबिजरनायै चन्द्रश्रीकना सिमना आउट परस्ट (बिआपि) याव अपारेशन सालायो। बिएसएफनि फोरमायनाय बायदिल्ला, जेब्ला अपारेशनखौ सालायो, अब्ला राहगीर चन्द्रश्रीकना बिअपि खाथि कन्टील पेन्सिस तारफोरनि फारसे थांगसिनो दडमोन। बेनि उनाव बिबानगिरिफोरा पेन्सिसजों नांजाबनाय ओन्सोलनिफ्राय 20,000 याबा टेबलेट बोखाडो।

मेघालय-हाइ कर्टआ खेबसेल' बाहाय जाग्रा प्लास्टिकखौ गोख्रों होबथादों



शिलंग, 18 आगस्ट : मेघालय हाइकर्टआ राइज्योनि मन्दिफोर आरो गलाफोरनि सिंआव खेबसेल' बाहायजानाय प्लास्टिकखौ फिन होबथानानै लन्थियै गोगो एबा साखोन-सिखोन आबहावा लाखिनायनि लामायव मोनसे थांखि गोनां थांखि आजाबो। गाहाइ बिजिरगिरि एस वेदनाथनि दैदेन्नाय बेन्आ प्लास्टिक गेब्रेनायखौ थाबैना सामलायनायनि गोनांथिनि सायाव नोजोर होदों।

सिसिटिभि केमेरा लागयनोबो बिथोन होयो। प्लास्टिकनि मनाफोरखौ मुवा दोन्थुनाय एबा बाहायनाय मोनोब्ला फालागियारिफोरनि गलाखौ बन्द' खालामनायजों लोगोसे दन्द होनोबो फोसावखानाय जादोंमोन। राइज्यो सरकारनो हाब्रा गेटफोरव गोख्रों चेक खालामनो आरो होबथानाय खान्थिखौ गोहोम गोनां खालामनो थाखाय सम-सम गलाफोरव नेम-खान्थि बायदियै सिग्रोमनायनि बिथोनो होयो। कर्टआ गोख्रों जुरिमाना फोनांनयनि सायाव नोजोर होदों आरो बेखौ सिमफायग्राफोरनि थाखाय गोख्रों आइनि गेजेरजों सिंगपुरनि जाफुंसार प्लास्टिक होबथानायजों लोगोसे मोनसे समान्थि गोनां खान्थि लाबोदों।

भिजन डक्यूमेन्टआव मणिपुरखौ चीननि राइज्यो होन्ना बुंदों



इम्फल, 18 आगस्ट: नर्ट इस्टर्न काउन्सिल (एनइसि) आ गोरोन्थियै मणिपुरखौ 'मणिपुरनि चीन राइज्यो' होन्ना बुंनयानि उनाव ड्राफ्ट भिजन 2047 लेखा बिलाइखौ लाफिनबाय। गोरोन्थि जानायखौ चेप्टर 3 आव सिनायथिनो हादोंमोन। जेराव सा-सान्जा ओन्सोलाव हारियारि ट्राइबलफोरनि माइग्रेशननि सायाव सावयनयव जादोंमोन। बेयाव गोरोन्थियै कुकिस (चीन) खौ बे चीनआव गैयै राइज्योनिफ्राय सोमजिखौनाय होन्ना फोरमायदोंमोन। बेनि बागै मिबथिनानै गिबि मन्थि एन बिरेन सिंआ मिरुआरि टेलिकम आरो सा-सान्जा ओन्सोलारि जौगाखौ मन्थि जेएम सिन्धियाजों फोनांजाब खालामो आरो गाहाइ नेहाथारि डा. विनीत जसिनो आयदाखौ सुस्त्रानायनि बिथोन होयो। गिबि मन्थिआ बे आयदायाव आखाय होनायनि उनाव सा-सान्जा ओन्सोल जौगाखौ मावख'आ सोदांनयनि थाखाय बिथांखिखौ बोखाना लायो। यजना बोसोनिगिरि सम कामेइआ मोनसे फिन्याय फोसावनानै लेखा बिलाइफोरखौ लाफिन्यायनि खौरां होयो, जायखौ 9 आरो 17 आगस्ट 2024 आव टेलिकास्ट एबा फोसावदोंमोन।

सिक्किमआव जिब-जुनात फिसिनायनि 17 सान फोरोंनाय हाबाफारिया जोबलांवाय

गेंटक, 18 आगस्ट : जिब-जुनात फिसिनाय आरो डायरि बिफान, मोसौ फिसिनाय, गुबुन जुनात फिसिनाय आरो डायरी मावख'सिक्किमआ जिब-जुनात फिसिग्राफोरनि थाखाय 16 साननि थाखाय ए-हेल्प ट्रेनिं प्रग्राम लाबोदों। बे प्रग्राम एबा हाबाफारिया नेशनेल डायरी डेभलपमेन्ट बर्डजों सकिथां ट्रेनिं सेन्टराव खुंजादों। सिक्किमनि जिब-जुनात फिसिनाय बिफाननि मदतजों एपुप गोनां ए-हेल्पनि मोनसे नेटवर्क बानायनायनि थांखि लादों, जाय राइज्योनि जुनात फाहामथाइ बिबानगिरिफोर आरो जुनात फिसिग्राफोरनि गेजेरव फारागखौ फोजेबगोन। सिक्किम



गामियारि जिउखां राहा मिशन (एसआरएएलएम) निफ्राय सा 25 जिब-जुनात फिसिग्राफोरखौ लाफानाय मोनसे गुवार ट्रेनिं, जेराव जुनात

थानाय 31 जुलाइनिफ्राय 16 आगस्टसिम खुंनय गासै 17 साननि ट्रेनिं प्रग्रामआ थानाय 17 आगस्टआ थुंगेनाय फोबोंजों जोबलाडो।

फार्म, सिंधारि बोस'रैखाथि फार्म आरो सिक्किम मिल्क इडनियनजों लोगोसे मुंदांखा फसंथानफोरनि आबुं ओन्सोल दावबायनायाबो दंफायोमोन।

आसामनि बिजेपि एमएलएआ डिजिपि सिंहनि हेफाजाबजों जम्मु-काश्मीरनि सासे हौवासाखौ रैखा खालामदों

गुवाहाटी, 18 आगस्ट: आसामनि बिजेपि एमएलए दिगन्त कलिताया सासे देरुफुनाय हौवासा ब्रजेन दासखौ थगायनानै जम्मु काश्मीरआव लांखारनायखौ रैखा खालामनो हादों। आसामनि डिजिपि, जिपि सिंहनि हेफाजाबजों आठगावनि जगत दासनि फिसाज्लाखौ रैखायै बिथानि नख'र फारसे लाबो फिनो हाबाय। 13 आगस्ट, 2024 माइथायाव कलिता दास सुबुनि नख'रआ जिगा सिनाय थासारिनि सोमोन्दै खौरां हर्दोंमोन। बिसोर थोबैना डिजिपि सिंहजों सोमोन्दो लादों आरो जम्मु-काश्मीर पुलिसजों लोगोसे सावयनयानै 30 मिनटनि गेजेरवना हौवासाखौ नायगिरो आरो रैखा खालामो। कलिताया गावजों सोमोन्दोआव थाफनाय कुमुद काकटि आरो आसाम पुलिसनि सासे बिबानगिरिनि थाखाय 14 आगस्ट, 2024 पुर्वबलिवाय जम्मु आरो



काश्मीर फारसे दावबायनायनि बेब'स्था खालामदों कलिताया गावनो बिथानि दावबायनायनि खरसाखौ खालामदोंमोन। थानै आपादआ जायगानि बिबानगिरिफोरजों लोगोसे हौवासाखौ रैखा खालामदों आरो बे सानावनो उनाव आसामाव दैथाइहर्दों।

मुलुगनि फिसासिन गामि जेराव सासे आइजोआ संसार जायो

दरसे फिसा गामि होनोब्लाबो बेयाव गोबां नख'र थायो आरो खमैबो सा 100-150 सुबुंफोरा थायो। जौं दिनें दरसे फिसा गामिनि बागै मिबथिहोगोन, जाय जिल्ला रइज्यो एबा हादतनिल' नड गामै मुलुगनिनो फिसासिन गामि होन्ना गनायजादों। बे गामियाव सासेल' सुबुं थायो आरो जेरैबो गोजोन-गोजानसिम रावबो थाया। मुलुगनि बबे गोथौ सिं-स्र जायगायाव थाडोब्लाबो खमैबो सा 20-30 सुबुंफोरखौ मोन्नो हागौ। नाथाय बे गामियाव सासेल' सुबुं थायो आरो बियो जादों आइजो बे आइजोया गोबाव बोसोरनिफ्रायनो बेयाव हारसिडे शार्दों आरो बे गामिनि गामैबो बेब'स्थाखौ बियो बुरिब्लाबो हारसिनो नायगिदिजोबो। बे गामिया जादों आमेरिकानि



नेब्रास्कायाव थायाय मनभि। 2010 नि सुबुं सुमिरिननि बायदिब्ला बेयाव सासेल' आइजो थायो, जायनि मुंआ एल्सी आइलर। 2020 नि सुबुं सुमिरिन बायदिब्ला बे आइजोनि बेसोया 86 बोसोरमोन। मनभि गामियाव बियो हारसिल' थायो आरो मेयरनिफ्राय लानानै बारटेन्डरसिम आरो लाइब्रेरियान खामानिखौबो गावनो

सामलायजोबो। मिबथिनो मोन्नाय बायदिब्ला, 2004 निफ्रायनो एल्सीया हारसिनो बे गामियाव थादों। गामै 54 हेक्टर गुवार हायाव गोसारनाय बे गामिया सिगां समाव गुबुन गामिफोर बायदि रोहो-रोहोमोन। रिपर्टनि बायदिब्ला 1930 माइथायसिमाव बेयाव सा 130 सुबुंफोर थायोमोन। उनाव लासै लासै खमायबोनानै 1980

सिमाव सा 18 सुबुंफोराल' बे गामियाव थायो। नाथाय उनाव फेयै फेयै 2000 माइथायसिमाव एल्सी आरो बिनि फिसाइ रुडियाल' गामियाव थायो। रुडियाबो 2004 आव थैयो आरो एल्सीआ बेनिफ्राय हारसिं जायो। गोलोम बोथोरव सुबुंफोरा बे गामियाव बेरायदिनो थाडो आरो बिसोरो एल्सीखौ खामानियाव मदतबो खालामो।

बावनो हाया

मिथिगानि बे बुहुम बिखायाव नॉनि हाइलोलो महरखौ नुनानै, आं माबोरै बावनो हानो, नॉनि बे फेरैबसे अन्नायायो आंनि गोसोखौ खामगिल होबाय, आय' सिख्ला सोर नों? नुहां-नुवाहां बरे सिखिरिफोर बायदि हाइला-हुइला मोसाफेयो नों आंनि बिखा गोरबोयाव। गोसो सिंनि दावहाथिलयाव नॉनि बे मोजोमसे अन्नाय, आंनि बे गोसो गोरबोयाव दान्दिसेनि थाखायब्लाबो नॉनि बे अन्नायखौ बावनो सानब्लाबो बावनो हायाखे आंनि बे जिउखौ फेमाल दाखलाम नों। माबायदि बिष सोनानै होलांखो आंनि बे गोसो गोरबोयाव सहायनो हायाखिसै आं नॉनि बे फेरैबसे अन्नायखौ आय' सिख्ला सोर नों?

मुसि गुथाल बर'
दतमा गोजौसिन फरायसालि

रजेनि सावगारि

आंनि गोसो बल बामआव नों बारसे गलाप बिबार थारै सान अखाफोर आरो बैसोमुथिजों रुजुयोब्ला नुवा जेबो फाराग। रजे!..... नों आंगोनियो आंगो बेयोदि आंनिल' नड बयनिबो समायना बुहुम बिखायाव सोरजिनि..... नों सुखु-दुखुनि थान्दे, सोमखोर गोथां मेगननि हाबिलायाव थारैनो होबोदों नों आंनो मिलौहाव बेरे बिदे रैसुमै खहाव। रजे..... जिउनि जोबनो गैये आगानाव गोजान खाथि हांखायो दुखु-हांमा हांसानि समाव दान्दिसे मोन्नो हास्थायो। रजे..... थाफै नों जेरावखि जाया था नुफा-माफा साया-माया मिथिगा बिखायाव सान-अखाफोर हाथखि-हालाफोरा जेरै रंगिना आबिरखौ सारफावदों रजे था दिदोम नोंबो अराय सम मिथिगानि आन्दोयाव।

कमल मुछाहारी
गामि: खुंग्रि, ला:सो: खुंग्रि
जिल्ला: चिरां

दोंथाम लिमारिक

(क)
गंगा हलाव बर' सिनिमा जादों, सेंग्रा सिख्लाफोरा उरां फारां जाथारदों, ओंखाम उखैया दैबो गाड जाथारदों माब्लादि जरा जरा आखाय हमज्जायना-सिनिमा हलाव सिनिमा नुगोन, बिनिसो अराय सानथारलायसै।
(ख)
साफारा गामिनि फेखु दाखं, थाबायनाया बिनि दाखं-दुखुं हिन्जावखौ गोसो थोगारबाय बियो बाब्रि आवला-दसेनो गोसो थोब्रबो, दसेनो गारखबो-रावजोंबो मोजां बुंजाला गावनि आखलावनो सिख्लाफोर नुब्लाथाइ-बार 'स'नि फनखौ दिहुनप्लप्रा
(ग)
जों लागीनि सामा गोरान सोलेरा बिनि थैंहां-बर'हां सिकुरिदि गार्डआव इन्टारभिउ होदों-गोजौआव मोफौ गाहायाव बाहागो जागोनखि-जाया-बिफानाव रां दाबिदों बा रोजा रां बिफाया खिलामा गावब्राबाय फिसाज्जलाया बाखु दावबाय।

मुसि मैखोम दैमारि
उमानन्द गोजौ फरायसालि
खासफुर (हालांबाजार)

बुंस हालिया

आंदि नोंखौ मा बुंनानै रायदाव बावनो नॉनि बिखायाव, नोंखौदि आंनि गोबों गोसोजों अराय सैथौये मोजां मोनो। आंखौ सोर मिथिनो लाइमोन; आंनि जीउनि गांनाय उखैनायखौ। सोरदि फोथाय बावगोन जौमोन बैसोनि दुखु जाल्लाखौ। आंनि मेगननि नोजोरव नॉदि दड जादुगिरि आंनि जीउनि सोलेराव नों गेलैफेयो। जायसो गोसो थोलायदों बेसो बुजिदों, जेरावखि थाड नॉनि हायना महरआ जेरैखि साना नॉनि थाखायल' रजे। नॉनि बुंनाय रावआ, खालामबाय आंखौ फागला, नॉनि हायना महरा जाहोबाय आंखौ फागला। नोंखौ सानसे नुडब्ला गोसोया जायो उसाव बादाव आजोला जीउआ नॉनि थाखायल' सानफलांबाय थायो। अरायबो नोंखौल' साखाथियाव बजबना लानो सानो आं नॉनि अन्नाय मोनोब्ला बेसेदि मोजां मोनो आं नोंखौ बुंसनो हालिया रजे।

मुसि आनानजिद बसुमतारी
गामि- बांग्लाबारी, ला:सो:- दावलाबारी
जिल्ला- कक्राझार, बिटिसि (आसाम)

रंजालि गथ'फोरनि सौरा

आं गोथार नंला

आं दिनें सासे गोथां सिखार गावनि जोनोम हादरावनो उदां बेरायथिनाय सिखार। सिखार खालाम जावाय दिनें आं जाय हादराव अरायबो आंनि रेखाथिनि स्लगान रिंखाडो जाय हादराव अरायबो आंखौ बिमानि समान सानो। जाय आंखौ फिसा सानो बिनो दिनें आंनि सिखारि जाय आंखौ बिनानाव सानो बिनो दिनें आंनि बिदे सोबसै। दिनें आं गोथार नंलिया रंग'बाय आंनि सोलेरनि गाव गोमोरबाय आंनि देहानि मोनफा मोनफा स्लगाननि हांखो। सिंघआसननि खोमा रोजा राजा रानि गावनि नखर जौगाहोनायाव मुखुब नाथाय न'बथिनि दाखोर सिबनो रोड मानोना बिसोरहा गंनयनि नियम गैया। वि वान्ट जास्तिस नि स्लगान होना लामायाव आगान सुरदों हानजा हानजा नाथाय बहाथो बोरो आंथ' मोनाखिसै। हादोरनि बिखुनि मायसुं खायग्राफोरा बहा सिनायनो मोखानि सालमाय बेरनाय राजा रानिनि गोलोमदै हुगरायाबो बहाथो सिनायनो दे सिरदावनायखौ। फैगौ जोनोमाव बिमानि फिसा दाजाथों जायोब्ला जाथों बिफानिनो फिसा आरो नडब्ला जिब जुनारनि सोलेरावनो मानोना आं गुबुले हाबुनि दै जाबाय आं गोथार नंला।

कुमार बसुमतारी
1 नं बिक्रमपुर (सिमलुगुरि),
लखिमपुर

हावरिया खाफाल

आय जिउ नॉनि बेसेबा दुखु-दाहा हांमा बुंस' हाया फोरमायस' हाया नॉनि जिउ दैथुनखौ। हास्थायनाय दंमोन नोंहाबो दिनेंनि मुलुगुआव आगान सुरलानो मिजिक दंमोन नोंहाबो गंसे दिड जावलांनयनि, नाथाय गैया दिनें... आगोनफ्रोम दुखुनि फाखनाव गिदिंनबाय मिजिकखौ लानानै आलाइ-सिलाइ। नागिर बायो नों गुबुनि साया गैया नाथाय नोंजों लोगोयाव मोनाखैसै नों सुखुनि देखो खुसिनि मेथाइ, खालि नुबाय नों गावजों गाव नासयनाय, मुगैलायनाय गाबनाय दुखु दाहानिल' देखो।

जिउनि अनजालु

नों आंनि जिउनि मोदायजो अनजालु मोजां मोनदंमोन आं नोंखौल अनजालु सानाखैमोन आं नोंखौ बिबि जागोन होन्ना। अरायबो सानो आं नोंखौ आंगो बावनो हाया आं नॉनि अन्नाय। जाखां फेयो सिमां मोकथां जेब्लाबो नॉनि महराल' अनजालु नुफा-माफा, जौदि सानैजों बेसेबां मोजां मोनलायोमोन आरो बेसेबां अनलायमोन आंगोन साननानै। आंनि गोसोखौ उसाव-बादाव खालामबाय थाफैयो नों अनजालुआ, नॉनि अननायखौ बोरै बावनो हाबावनो आं अनजालु सिमां मोकथां जाखां फेयो नॉनि महर। बुजिसनो हायासै आं अनजालु मानि थाखाय नों आंखौ मानो बावगार लांखो। गोरोन्थिआ आंनि नड अनजालु नॉनिसो गोसोखांब्ला फागिल बायदि जायो आं अनजालु आंनि बे हास्थायनाय गोसोआ आंनि जिउनि मोदायजो अनजालु।

मिस सानसुलि बसुमतारी
गामि- गाग्रागुरि
जिल्ला- कक्राझार बिटिसि आसाम

हारिखौ खैफोदाव खोख्लैगोना रोखा

न'नि इसिं अखं मालायनो दिन्थिना होयोब्ला सिंनि गुमुरखौ लानानै हारिखौ खैफोदाव खोख्लैगोना रोखा बेनि इसेबो सनदेह' गैया मानोना न'नि मोदाइआ एंगारोब्ला हाग्रानि मोदाइआ लोगो मोनो।

सरिबाम बर'
राबां, बागसा

समानो सिखाव

गोबों गुबु हासारा सानसेनि खरानाव स्राव रानलाडो, बिदिन्थाखौ दुसियो आरो बायगर जायो। बोहैथि समनि फानजारियाव आं आरो आंनि सानसि, थारै सानसिनि जेयाव फोथायखेबस' समानो सिखाव।

बिरनजय मोसाहारी
गहपुर, बिस्वनाथ

जिख्लाबसे खन्थाइ

सिमां आवसो नुदोंमोन, जों सानैजों गावसा लायनाय फिसा खोथाफोरखौ लाना। नाथाय, रजे दिनें मोगथाखव महर मोनमारबाय। आं सानाखैमोन बोसोर बोसोरनि समाय आरो खोथा होनायफ्रा से सेकेन्डआवनो जोबसांगोन। ना नों? बेफोर बायदि खालामनो सानखादोंमोन।

सनिया बसुमतारी
गामि: ककिला (बनरगाव),
बिस्वनाथ

मानो नों रेबा

नों जौमोन बिनानावा रोंगौ सोदोव लैथोयाव थवल'ना खन्थाइ रेबनो मानो नों रेबा

-रैदोम बर', बाक्सा

बादारी

मेंसुला आय' नोडो बादारी खानानै नाव माथो दड नोडो उन्दुनानै! सिखांदो बादारी, सिखांदो नोडो, मेंसुला नोंहादि साना गैलिया। बिरबोगी जोमैया खोमसिया सागलोब बोगी। सिखांदो उन्दुनो समा गैलिया। नुदों नोडो आय' गाथोन सेराव, गोमोहाब गोसोजों सिमां बेसे, नाथाय हालिया, जानाय नंलिया। सिखांदो उन्दुनो समा गैलिया। फोजा खांदो फोरजा फिसाफोरखौ जिउखौ गथायना बारसोमहेदो दाफासय सुथुरखौ नुनानै, सोमखे दाखलाम बर' बिमाखौ सिखांदो बादारी उन्दुनो नोंहा सम गैलिया।

सोमखोर बसुमतारी
गामि: धहोनगुरी
जिल्ला: कक्राझार।

बड'फा

आय' बड'फा, बर'नि आगोमा फिसा गोमोरलांबाय नों दिनें बे मुलुगनिफ्राय अरायबोनि थाखाय। थैवबो दं गोसोआव नॉनि, गोथार मावनाय खामानिफ्रा फिद-फिद गोसो खाडो जों नोंखौ अरायबो, नाथाय जोंहा दिनें नोंखौ मोजाडै फुजिनो सिबिनो रोडासै। खालि दं नॉनिसिम अन्नाय गोसोखांनय, दिनें नों बिफा गैयेआव जानांबाय बर' हारिया जालाखार-बिलाखार थैवबो नाजादों नों होनाय खोथाखौ गोसोआव लानानै बर' हारिखौ जौगाखांहोनो नाथाय जों नॉनि बोसोनखो, फालिजोबनो जों हायाखै बेनिखायनो आं नॉनि मुडै दोंसे खन्थाइ सोरजिबाय।

शरायना थिलथमा बसुमतारी
इ.ए.ए. एकाडेमी कक्राझार

(1 बिलाइनिफ्राय)

चिरांनि दाब-दाब जायगायाव आरसिसि दालां लुफुंनयनि अन्थाइ खाम्फा गायसन्दों बिटिआरनि गाहाइ प्रमद बर'आ

मानवाने बिदिन्थि महरें दिने चिरां जिल्लानि सिडव थानाय 13 नं. चिरां बियाब आरो 14 नं. चिरां दुवार बियाबनि सिडव थानाय माखासे ओन्सोलफोरनि गामिआरि सुबुंफोरनि हान्थामेलानि खानुनि थाखाय दालांनि गोनांथिखौ नोजोर होनानै गेदेर-गेदेर दालां लुफुंनयनि अन्थाइ खाम्फा गायसन्दों। गिबियाव बिटिआरनि गाहाइ खुंगिरि प्रमद बर'आ चिरां जिल्लानि सिडव थानाय उता इस्लाकातानिफ्राय दगाव गामिसिम फोनांजाब लामानि सायाव 156.53 लाख रं बाहायनानै दालां लुफुंनयनि थाखाय अन्थाइ खाम्फा गायसन्दों। बेबायदिने दान्तक लामानिफ्राय सन्दपुर गामिसिम 214.37 लाख रं बाहायनानै फोनांजाब आरसिसि दालां, काप्राबारनिफ्राय काचुदला गामिसिम 347.98 लाख रं बाहायनानै 50.00 मियर गोलाव आरसिसि दालां आरो कामारपारनिफ्राय टेकनामारि लामा फोनांजाबनि थाखाय 225.97 लाख रं बाहायनानै 25.00 मियर गोलाव आरसिसि दालां लुफुंनयनि अन्थाइ खाम्फाखौ बेखेवनानै होयो बिटिआरनि गाहाइ मावफुं सोद्रोमा प्रमद बर'आ। आरसिसि दालां लुफुंनयनि अन्थाइ खाम्फा बेखेवनयनि गेजेरजॉं बिटिआरनि गाहाइ खुंगिरि प्रमद बर'आ बे आरसिसि दालांफोरा लुफुं जायब्ला बे ओन्सोलनि गामिआरि सुबुंफोरनि हान्थामेला-थालाय फैलायनि थाखाय खाबु जागोन होनानै फोरमायो। बेनि अनगायैबो दिने सानसेनि गेजेराववो बिटिआरनि गाहाइ खुंगिरिआ चिरां जिल्लानि नागलाबांगआव गोदाने लुफुंनय निभिसिडिसि मावखुलि आरो मार्केट सेडखौबो बेखेवनानै होदों। दिनेनि बे आरसिसि दालां लुफुंनयनि अन्थाइ खाम्फा बेखेवनयानि हाबाफारियाव बिटिआरनि गाहाइ खुंगिरिजॉं लोगोसे राइज्यो सभानि एमपि रोनगोरा नार्जरी, लकसभानि एमपि जयन्त बसुमतारि, बिटिआरनि इएम रज्जित बसुमतारि आरो एमसिएलए माधब चन्द्र चेन्निआबो बाहागो लादोंमोन।

सिलचरआव खुंनाय नायफामफिन्नाय मेल्लव मन्थि रज्जित दासआ बाहागो लादों

कुमार दासआ सिलचरआव बे फोरमायथिखौ होयो। मन्थि दासआ गिबि मन्थिनि बिथोन बायदिनै सानबानि हाबाफारिजॉं सनिराखालि बराकआव नुजाथिहैदोंमोन। मन्थि रज्जित दासआ काचार जिल्ला बेंगिरिनि मावख'आव खुंनाय जगायथाय आरो आदार, गामियारि जौगाखां बिफानफोरजॉं लोगोसे गुबुन गुबुन बिफानफोरनि नायफामफिन्नाय मेल्लव बाहागो लायो आरो जिल्लानि जौगाथायनि खौरां लायो। मन्थिआ दिने धलाइ बिबाबनि नरसिंपुर आरो पलांघाटआव जानाय मोननै मेल्लवआवबो बाहागो लादोंमोन। मिथिनाय बादिब्ला, समबार आरो मंगलबाराव मन्थि दासआ नायफामफिन्नाय मेल्लव बाहागो लानो थाखाय हाइलाकावदि आरो करिमगन्ज जिल्लाफोराव दावबायहैगोन।

चापागुरि फरायसालिमनि 12थि गाइसन्थाइ सान फालिदों

बिरहोयो 22 नं कक्लाबारि बियाबनि एमसिएलए अदेबानि कक्लाबारि चापागुरि फरायसालिमनि मेनेजि कमिटिनि आफादगिरि मन्तु बर'आ। बेनि उनाव मुंखंफोरनि मुसुखायाव आलारि बाथि फोर्जोनेनाय आरो बिबार बाडनाय हाबाफारिखौ मावफुंनानै होयो कक्लाबारि चापागुरि फरायसालिमनि मेनेजि कमिटिनि लोगो आफादगिरि सक्रपानि बर'आ आरो मिथिगा सरैखाथिनि थाखाय बिफां फुलि गायो सालबारि फरायसालिमनि लोगो बिबुंगोरा ३ सानखां बसुमतारिआ। बेनि अनगायैबो गेवलां मेल बेखेवगिरि आलासि महरें बाहागो लायो 63 नं चापागुरि बियाबनि बारग' एमएलए थानेस्वर बसुमतारिआ। लोगोसे हाबाफारियाव जर'खा आलासि महरें 63 नं चापागुरि बियाबनि एमएलए एबा आसामनि केबिनेट मन्थि उखांव गोरा ब्रह्मआ बाहागो लायो। आसामनि केबिनेट मन्थि उखांव गोरा ब्रह्मआ खौरां बिजॉनि गेजेरजॉं फोरमायोदि, सिगां बोसोराव बिथाड कक्लाबारि चापागुरि फरायसालिमायाव गार्वनि फाण्डनिफ्राय गुबुन गुबुन हाबाखौ मावफुंनोबाय आरो बे बुलियाव कक्लाबारि चापागुरि फरायसालिमनि बाल बाउण्डरि आरो गेट मावफुंनानै होनायनि खोथाखौ फोरमायो। लोगोसे माखासे सरकारि जायै कलेजफोरखौ लासै लासै सरकारनि खान्थि बादिनै सरकारि खालामलांनय जागोन आरो फरायसाफोर गैयैयाव थालांनय फोरंगिरिफोरनि मासियाव एसे जैना दं आरो बेखौ आसाम सरकारजॉं बिटिसि सरकारा रायज्जायागोसिनो दं होनानै बिथाड बुंथियो। बर' थुनलाइ आफाद आरो दुलाराइ बर' फरायसा आफादआ बावैसो सान सिगां बिटिसि सरकारजॉं सावरयदों आरो जथाइयै आसाम सरकारजॉंबो सावरयदों, बे थांखिया जाफुडेल्ला जॉनि कक्लाबारि बियाबनाय बिगियान आयदानि सोलॉंथायारि फसंथानआ जागोन होनानै 22 नं कक्लाबारि बियाबनि एमसिएलए मन्तु बर'आ खौरां बिजॉनि सिगाडव फोरमायो।

निज कलाइगावनि दोंसे जेबोद मुखुब जानानै थाय्रा लामाखौ राइजो-राजाफोरा लुफामफिन्दों

मख'नो गोनांदि, बे लामाजॉं सानफ्रोमबो डाम्पार, एम्बुलेन्स, उदालगुरिनिफ्राय कलाइगाव जानानै मंगलदें आरो गुवाहाटीसिम थानाय दावबायारि बासनि अनगायैबो गुबुन गुबुन गारि मटरफोरा हाथ्था-मेल्ला खालामनायाव बे उफ्रा मुखुब जानानै थानाय लामाआ गेदेत गेदेत हाखर-हालानि महर मोनायाव दावबायारिफोरनि गेजेराव जैना सोमजिनायखौ नुनो मोनाय जादों। मख'नो गोनांदि, सरकारनिसिम लामा नाया जासे सासे समाज सिबियारि आरो इडपिपिएलनि भेराग जिल्लानि ट्रेजेरार सुरेन बर' आरो सासे फाहामगिरि चन्द्र प्रसाद पायें आरो इडपिपिएलनि दैदेनगिरि मावफारियाफोरजॉं लोगोसे राइजो-राजाफोरनि अन्सुंथाय मोनाय धोनजों बे लामाखौ लुफामफिनबाय थानाय जादों। मख'नो गोनांदि, राइजो-राजाफोरा लामायाव गाव गोसो बादिनै खामानि मावबाय थानाय समावनो गंसे अंगनबादि न'खो बेखेवनो फेनाय दुर्गादास बर'खौ लामायाव खामानि मावबाय थानाय राइजो-राजाफोरआ हेफाजाब हास्थायनायाव एमएलए बर'आ राइजो-राजाफोरखौ मान हैयैआव खुद्रिखानाय फोरमायो। बेबादि जाथायाव राइजो-राजाफोरा बुंदोंदि, बेबादि सुबुं थान्देंआ बियाबआव थानायनिखुइ थायैआनो मोजां। मख'नो गोनांदि, खामानि मावबाय थानाय राइजो-राजाफोरा थाबैनो कलाइगाव-उदालगुरि पिडबिल्लउ लामानि माजर सुबानि बे कालभाटखौ लुफामफिन्तो आसाम आरो बिटिआर सरकारनिसिम खालायहरदों।

कच राजबंसिनि गोमालांनय जासिमिन आरो मोन्थायखौ रैखा खालामनो गासैबो खौसे जानांगौ: क्षितिश राय

सिनायथिआ गोमालांनो नागिरदों। -बेबादि बिबुंथिखौ कच राजबंसि हारिनि माहारियारि आफाद दुलाराय कच राजबंसि फरायसा आफाद (आक्रासु) नि आफादगिरि क्षितिश रायआ होदों। मख'नो गोनांदि, फरायसा दैदेनगिरिआ दिने कक्राझारआव खौरां बिजॉनि सिगाडव बेबादि बिबुंथिखौ होनानै कच राजबंसि हारिआ मोनसे जारिमिनारि मुंदोखा हारिमोन होना फोरमायदों। जाय हारिआ गावआरि राइज्यो कमतापुर दडमोन। नाथाय मिरु सरकारआ सेख'नानै लानायनि उनाव हारिखौ गुबुन गुबुन जायगायाव बोखवनयनि जाहोनाव हारिआ लोरवां जादों। बेबादि बिबुंथि होनानै बिथाड दिनेबो बे हारिखौ फोजोबखानायनि खौरां सादों होना दाबि खालामो। बेबादिनो मिरु सरकारआ गासैबो मोन्थायनिफ्राय जानगराव लाखिनयल' नड कच राजबंसिनि जारिमिनखौ खोमोरनोबो नाजादों। नाथाय 1990 माइथायनिफ्राय कमतापुरखौ फिन बोखांफिनो थाखाय आक्रासुआ थादानय गैयाजासे सोमावसारबोदों आरो आथिखालाव जारिमिनारि हारियारिनि गोबां फोरमानखौ बोखनांनय जादों होना मिबथिहोयो। लोगोसेनो बिथाड जॉनो कमतापुरखौ गथायफिनगां, जायनि अनगायै जनजातिनि मान गथायनांगौ होना रेखा खालामना होयो। बिथाड आक्रासुनि माखासे बाहागोआव बोखवजायनि सिडव थामथि थाखो आरो सरकारनि पलिसि दड होना अजद दैखानानै गावसोर आक्रासुनि गुबै आफाद होना मिबथिहोयो। बिथाड लोगोसे कच राजबंसिनि गोमालांनय जारिमिननि मोन्थायखौ रैखा खालामनो बयखौबो खौसे जानो खालायदों। मख'नो गोनांदि, दिने आक्रासुनि कितिश राय आफादनि सान्जा कक्राझार जिल्ला आफादनि गोदान मावफुं आफादआ हाबाफारि बायदिनै समायखिर लायो आरो बे हाबाफारियाववो मिरु आफादनि आफादगिरि क्षितिश रायआ बाहागो लाफेदों।

रुंसारि लाइसुमा स्वरगियारि गोसोखां जोलुर गेलेनाय बादायलायनाया जागायबाय

सिमन सापरि, 18 आगस्ट: धेमाजि जिल्लानि सिमन सापरि गेलेमु आफादजॉं खुंनाय रुंसारि लाइसुमा स्वरगियारि गोसोखां रंझारि बान्था जोलुर बादायलायनाया 18 आगस्ट थामहिनवा दिनेनिफ्राय सिमन सापरि मिनि स्टेडियामआव जागायबाय। गिबि साननि हाबाफारि बायदिनै दिने सिमन सापरि गेलेमु आफादनि फिरफिलाखौ बिरहोयो आफादगिरि डिपांकर नार्जरीआ, रुंसारि लाइसुमा स्वरगियारिनि सावगारियाव बिबार बाउजेनो धेमाजि जिल्ला गेलेमु आफादनि लोगो आफादगिरि रजिब गैया। बेनि उनाव रुंसारि लाइसुमा स्वरगियारिनि रुंसारि जानायनि सिगांनि जिउ जारिमिनखौ फरायथिनानै होयो बारग'लेइइ गहाइ फोरंगिरि एस बि बड' गोजौसिन आरो गेजेरारि



फरायसालिनि बिथां ललित चन्द्र बसुमतारिया। दिनेनि बे गिबि जोलुर बादायनाया गिबि गेलेनायखौ बेखेवनानै होयो जनाइ बिधानसभा बियाबनि एमएलए धुवन पेगुआ। बिथांजों लोगोसे आलासि महरें बाहागो लाफायो बर' कछरी अन्साय गावहायुंआरि खुंथाइनि गाहाइ मावफुं सोद्रोमा मिहिनिसर बसुमतारि, मिरु खौसेथि बर' सुबुं आफादनि आफादगिरि मनुरन्जन् बसुमतारि, जिल्ला खौसेथि बर' सुबुं आफादनि आफादगिरि रतिराम बसुमतारि, MAC नि EM मलेनद नार्जरी, एस बि बड' गोजौसिन

एबसुनि लोगो आफादगिरि हिरन्थ स्वरगियारि। आरो गुबुन गुबुन माहारियारि आफादनि दैदेनगिरि बिथांमोना बाहागो लानानै दिनेनि गिबि हाबाफारिखौ जाफुंसार जाहोयो। मख'जाथावदि बे जोलुर बादाय लायनाया आसाम नाईहान्जाफोरनि गेजेराव

सिमन सापरि मिनि स्टेडियामआव दिने गिबि गेलेनायाव Tulip Sports Academy Harmuti FC आरो Jiyadhal FC नि गेजेराव जायो। गिबि गेलेनायाव दिने Jiyadhal FC आ 2-0 गलनि फारागथियाव देरहायो।

(1 बिलाइनिफ्राय)

गुवाहाटीआव आम आदिम पार्टीआ हान्जा सुरना सोमावसारदों

फ्लोकाइ लानानै हान्जा सुरनायाव हाबाफारि खुडो। सोमावसारगिरिफोरा जिनाहारि खालामगोफोरखौ फासि होनांगो, खामानिनि जायगायाव आइजोफोरनि रेखाथिखौ थि खालामनांगो, जिनाहारिनि दायजों लोब्बा थानाय सुबुंफोरनो गोखों साजा होनांगो, बायदि स्त'गानजों राजालामाखौ गोमखांहोयो। आपनि गागि दैदेनगिरि अनुरूपा देकरजानि दैदेननायाव खुंनाय बे हान्जा सुरनानै सोमावसारनाय हाबाफारियाव पार्टीनि गोबां मावथिफोरा बाहागो लायो। आपनि दैदेनगिरिया कलकातायाव सासे जुनियर डक्टरनि जिनाहारि खालामनानै बुथारनाय जाथायनि दायनिगिरिफोरखौ थाबैनो गोखों साजा होनो दाबि दैखाडो। आपनि गागि दैदेनगिरि भिक्टर गौ, रुद्रानकुर हाजरिका, दितुल बरुवा, अशराफुल आरिफ शिकदार, प्रबिन शर्मायाबो हेंथा सोमावसारनाय हाबाफारियाव बाहागो लायो।

आसामआवनो असमीयाफोरखौ मुसलमानआ गाग्लोबनाया दुखुनांथाव: पियुष हाजरिका

सोमजिनायनि सोमोन्दे खौरंगिरिआ सौंथि सोनायनि फिन्नायाव मन्थिआ बुडोदि, दोलोयाव रवनिबो गेजेरा दावराव-दावसि जायाखौ। आं मन्थिब्लाबो आं दोलोनि सासे सरसनस्मा मावथिसो। दोलोनि थान्थिखौ गोजू बिबानगिरिआ लायो। गिबि मन्थि, दोलोनि आफादगिरि आरो एमपिफोर लायो। दोलोया जायनो बिजाथि होगोन जोंबो बिनि थाखायनो खामानि मावगोन। जाय सानखालि बिजाथिनि फारिलाइ फोसावजगोन बेखालिनो गासैबो ज' जागोन। दोलोया जाय थांखि लायो जॉनि गासैबो मावथिफोरा बेखौनो माननानै सिगांलाडो। जॉनि मावथिफोरा गोवां सासे बिजाथि होना बिसायख'थियाव बाहागो लागोन, बेयाव जेबो रोखोमनि दान्थे-बिदान्थे, दावराव-दावसि गैया होनानै बिथाड बुडो। बेनि अनगायैबो बरपेयानि दरडकुसिआव थागिरि सुबुंफोरनि सायाव सन्देह गोनो नोगोरारिफोरा दोलोयायि गाग्लोबनाय जाथायनि सोमोन्दे मन्थि हाजरिकाआ दुखु मोनाय फोरमायाना बुडोदि, बे जाथाय जोबोर दुखुनांथाव। असमीया मानसिआ आसामवनो मुसलमाननि गाग्लोबनायनि बोलि जानांनया जोबोर गात्रि खौरां। आसामनि बे थासायिआ सानफा-एफा गात्रि जालानो हमदों। बे थासायिजॉं जुजोन जों साहस गोनं थांखि लानांगोन होनानै मन्थि हाजरिकाआ बुडो। बे हाबाफारियाव मन्थि हाजरिकाजॉं लोगोसे शनितपुरनि एमपि रज्जित दत्तआबो बाहागो लायो।

एबसुनि गाहाइ मावखुलियाव आफादगिरि दिपेन बर'आ खौरांगिरि मेल खुदों

दैथायहरदोंदि, 6थि सेदयुलनि बायजोआव थानाय गं 1547 गामिफोरखौ जरिफ खालामनांगौ। थॉनाय 28 फेब्रुवारीआव मन्थि रनज पेगुआ बर' कछरी अटनमास काउन्सिलनि गाहाइ मावफुं सोद्रोमा, लेडाइ गाहाइ मावफुं सोद्रोमाफोरखौ हांखायलदोंमोनब्लाबो बिटिआर रादायआव मुंसायगिरि एबसु आरो इडपिपिअखौ मेलआव हांखायलसिनो सावरयलायदों। जेराव इडपिपिएलनि आफादगिरि आरो बिटिसिनि गाहाइ मावफुं सोद्रोमा आरो उखांव गोर ब्रह्ममोनहा नुजाथि फैयाखेब्लाबो नुजाथि फेदों होना दिन्थिदों होना मख'यो। बे जथुमाव दर 36 बियाबनि गेजेराव दर 31 बियाबखौ थि खालामनायनि थांखि सोरजिनायल' नड गवालपारा आरो खोला कामरुपनि गं 301 बर' नख'र थानाय गामिफोरखौ नागरानाये बियाब थि खालामफिनो सिगांनो, बेयो गोजोनाय गैयै जादों होना मख'नानै बेनि गेजेरजॉं बिटिआर रादायखौ नेवसिनाय जादों होना अजद दैखाडों। बेनि सोमोन्दे फरायसा दैदेनगिरि दिपेन बर'आ सरकारखौ फारसेथिल' जैबायदि थांखि आजावदों बेयो बिजिननाय गैयै होना फोरमायदों। लोगोसेनो बड'फा उपेन्द्रनाथ ब्रह्मआ जाय सिमां सोरजिदोंमोन, आलादा बर' राइज्यो आरो 1987 माइथायनि निलाचल दाबि बादिनै बर' कछरी अटनमास काउन्सिलआव नागरालांनयान्य बर' मुखुब थानाय गामिफोरखौ थिसनफानो गिबि मन्थिनिसिम एबसुनि आफादगिरि बर'आ दाबि खालामो। बेनि अनगायै गं 664 बर' मुखुब थानाय गामिफोरखौ बिटिआरआव थिसनफानो गिबि मन्थिनिसिम दाबि दैखाडो। गुबुन फारसे, बिटिआर रादायनि 6.3 दफा मोनसे गाहाइ दफा। बिटिआरआव थानाय सरकारि नडे फरायसालिफोरखौ सरकारि खालामनायआ बे दफानि सिडव जानांगौमोन होनानै एबसुनि आफादगिरि दिपेन बर'आ सरकारनिसिम बिटिआर रादायनि दफाफोरखौ मावफुंनयाव गोहैलो जादों होदों होना मख'यो। गं 16 फरायसालिमाजों लोगोसे माखासे फरायसालिफोर आथिखालावबो सरकारि जानायनि बेखनाव फैयाखे होनानैबो बिथाड मख'दों। एबसुनि आफादगिरि दिपेन बर'आ सरकारनिसिम सरकारि जायै फरायसालिनि फोरंगिरिफोरा फराफारि सोलॉंथाय होनायनिफ्राय जानगराव थानानै हेंथा सोमावसारदों। फोरंगिरिफोरनि हेंथा सोमावसारनायाव फरायसाफोरा खहा जादों। बेनि थाखायनो सरकारआ 6.3 दफाफोरखौ मावफुंनगौ आरो हेंथा सोमावसारनाय फोरंगिरिफोरबो जाहाथे फरायसाफोरनि फारसे खहा जाया बेनि थाखाय बिजिरनांगौ होना मख'दों। गुबुन फारसे थॉनाय 15 आगस्ट एखा हादतनि उदांशि सानाव आसामनि गिबि मन्थि ३ हिमन्त बिश्व शर्माआ बड'लेण्डआव अन्थोब महरें शिखाझार जोहोलाव माहारियारि पार्क' फोसावना होदों। बेनि थाखाय बिथाड गिबि मन्थिनिसिम साबायखर बाउहरदों। दिनेनि खौरांगिरि मेलआव फरायसा आफादनि गाहाइ नेहाथारि खनिन बसुमतारि, लेडाइ आफादगिरि खोरेमदाव औवारी, लोगो गाहाइ नेहाथारि दिनेश ब्रह्मजॉं लोगोसे माखासे सोद्रोमा मावफारियाफोरा बाहागो लाफेदों।

पासनै सेरफां बियाबनि बिपिएफनि

हेफाजाबगिरिफोरा इडपिपिएल दोलोयाव हाबदों

सोद्रोमा गबिन्द बसुमतारिआ बाहागो लानानै दोलोयाव गोदानै हाबनाय सुबुंफोरखौ बरायो। दिनेनि पासनै सेरफां ब्लक आफादनि आफादगिरि सविन बसुमतारि आरो हाबिगाव भिसिडिसिनि आफादगिरि चन्दन बरालनि दैदेननायाव खुंनाय बे जगदान हाबाफारिखौ खुंनाय जायो। बे हाबाफारियाव बाहागो लानानै लेडाइ गाहाइ मावफुं सोद्रोमा गबिन्द बसुमतारिआ खौरां बिजॉनि सिगाडव बुडोदि, इडपिपिएल दोलोयाव जगदान हाबाफारिया सोलिबाय थगोन, मानोना बिटिआरनि गुबुन गुबुन रजखान्थि दोलोनि फारसै राइजो-राजाफोरा गोसो गैयै जादों। दिनेनि बे जगदान हाबाफारियाव इडपिपिएल दोलोनि उदालगुरि जिल्लानि लेडाइ आफादगिरि इडुंला बसुमतारि, लाइमोन सेलनि बिबानगिरि उपेन दैमायी, साह मर्चानि बिबानगिरि बलराम साबासि, पासनै सेरफां ब्लक आफादनि बोसोनगिरि धिरेन रजबवर, नेहाथारि बलिन बर आरो आपादआरि नेहाथारि नन्दलाल शर्मा मोनहा बाहागो लायो।

आसामनि राइज्यो बेंगिरिआ रक्षा बन्धन फोर्बानि बयनिसिम गाहाम हामब्लायथि जासिहरदों

दोरुडरि, जॉनि जिउआव गोथी गोनांथि दं। बेयो खालि दोंसे खुन्दुल' नड नाथाय रेखाथिनि मोनसे सोमोन्दे जाय अन्नाय, फोथायनाय आरो खौसेथिखौ दिन्थियो। बे फोरबोआ धोरुमारि फालिथायनि बारगा थाडो, जाय जोथोन लानाय, बिबान आरो बिदा-फंबायनि गावजों गाव सन्माननि गोथी मोन्दार्थिखौ दिन्थियो। रक्षा बंधनआ बावसोमनाय, खौसेथि आरो बिदा-फंबाव आरो बिब'-बिबानावफोरखौ फोनांजावगा सिफायनो हायै सोमोन्दोनि गुबै बाश्राखौ समायनायै हमना लायो, जाय बैफोर मोजां मोनाय सोमोन्दोफोरनि अरायथा गोहोखौ फालियो। बिथाड मिजि थियोदि रक्षा बंधननि गोथार फालिथाया बिदा-फंबायनि मोन्दार्थिखौ गोखों खालामगोन आरो बिदा-बिबानावनि सोमोन्दोनि फारसे बिबाननि मोन्दार्थिखौ दिन्थिगोन। बे फोरबोआ बयनिबो थाखाय बेसेन गोसा सोमोन्दोखौ खौसेथि आरो खुसिखौ गोखों खालामवाय थार्थो होनानै राइज्यो बेंगिरिया बुडो।

35 बोसोर उनाव फिनखेब सलमान खान आरो भाग्यश्रिनि सावथुना रिलिजि जागोन

सलमान खान आरो भाग्यश्रिनि ब्लकबस्टर सावथुन 'मैने प्यार किया' खौ दासिमबो सुबुंफोर नायनो मोजा मोनो। बेयो मुंदांखा लिड फावखुंगुर सलमान खाननि गिबि सावथुनमोन। सुरज बड़जात्यानि दिहनुनायाव बानाय जानाय बे सावथुना 80 थि जौथाइनि बयनिखुइबो बांसिन रं आरजिनो हानाय सावथुनमोन। प्रेमनि फावआव सलमान खान आरो सुमननि फावआव भाग्यश्रिनि फावआ सुबुंफोरखौ गोसो बोनो हादोंमोन। बे सावथुना सलमान खाननि केरियारखौ गोजौ फारसे



लांनयनि गिबि सिरि जाना नुजाथिदोंमोन। बे बोसोराव सावथुननि रिलिजि जानाया 35 बोसोर आबुं जासिमोन। बे

खाबुआवनो मेकासर्फोरा अन्साइगिरिफोरनि थाखाय मोनसे खौरं फोसावदों। राजश्रि फिलिमसनिफ्राय सशल

मिडियाआव खौरं होनाय जादोंदि, 'मैने प्यार किया' सावथुनखौ थियेटासआव फिन खेब रिलिजि खालामनाय

जागोन। सलमान खान आरो भाग्यश्रिनि लोगो जानाय आरो मोजा मोननायजों समाय लानाय बे सावथुन 23 आगस्टआव रिलिजि जागोन। अदेबानि बेयाव मोनसे टुइस्ट दड। मैने प्यार किया सावथुनखौ पिबिआर आरो सिनेपलिसआवसो रिलिजि खालामनाय जागोन। भाग्यश्रिया सावथुनखौ नैथि खेब रिलिजि जानायनि सायाव गावनि खुसिखौ फोरमायदों। गुबुन फारसेथिं, अन्साइगिरिफोरा गावसिनि लुबैनायखौ फोरमायदोंदि, बे सावथुननि उनाव सुरज बड़जात्यानि माखासे सावथुनफोरखौ रिलिजि खालामनो। अन्साइगिरिफोरा डिमान्ड खालामदोंदि, सुरज बड़जात्यानि दिहनुनाय 'हम आपके है कौन' आरो 'हम साथ है' खौबो फिन खेब रिलिजि खालाम जानो लुबैदों। मिबथिहोनाय जादोंदि, बे मोनै सावथुनआवबो सलमान खानआ लिड फावखुंगुरमोन आरो बेफोर सावथुनफोर बक्स अफिसआव जोबोद मोजां रिक्डंबो खालामनो हादों।

'स्त्रि 2' शुटिनि गेजेरजों श्रद्धा कापुरनि हटेलआव मोखाफोरा दोहौ सोमजिहोदों



श्रद्धा कापुरनि सावथुन 'स्त्रि 2' आ बक्स अफिसआव दोहौ सोमजिहोदों। राजकुमार राव आरो श्रद्धा कापुरनि सावथुनआ सान्नेनि गेजेराव नख'रारि बक्सअफिसआव 100 कौटि रंखौ बारनो हाबाय। सुबुंफोर बे सावथुनखौ जोबोर अन्सायदों। सावथुननि खरसांनि

दोहौजों गामिनि सुबुंफोरखौ जोबोर जेनायाव गोगलैनाय नुनो मोन्दें। रिप्ल लाइभआव श्रद्धा कापुरआ मोखाफोरनिफ्राय गावनि बेसेन गोनां बेसादखौ रैखा खालामनायाव फेलें जादोंमोन। फावखुंगुरआ 'स्त्रि 2' सावथुननि शुटिनि जागायजेनाय साननि सोमोन्दै शेयार खालामदों। श्रद्धा कापुरआ

मिस मालिनिजों बाथ्रा सावरायलायनायनि गेजेरजों मिबथि होदोंदि, जेब्ला बिथाड बेवहाय स्त्रि 2 सावथुननि शुटि खालामदोंमोन, अब्ला बिथानि हटेलआव जरासे मोखाया हाबफैदोंमोन। अदेबानि स्त्रि 2 सावथुननि शुटिनि गेजेरजों बिथाड गावनि मोजां मोननाय स्लेक 'भाकरवाडि' खौबो लांफादोंमोन। श्रद्धा कापुरआ गावनि हटेल रुमआव बेखौ मोनसे जायगायाव सेटेल खालमना दोन्दोंमोन, मानोना बिथाडा सान्दोंमोनदि, बे कर्नारनिफ्राय बेखौ रावबो दिखानाय नड। बिथानि साननाया अब्ला फेलें जादोंमोन, जेब्ला मोखा जरासेआ बिथानि हटेल रुमआव हाबनानै बिथानि

'भाकरवाडि' नि गिदिर बेगखौ लानानै थान्दोंमोन। श्रद्धा कापुरआ मोखाफोरखौ प्रेशनेल सिखाव होना मिबथिहोदोंमोन आरो लोगोसेनो बुंदोंदि, बेवहाय स्त्रि 2 आरो मोखाफोरजों मोगा-मोगि जानांदोंमोन। मख'नो गोनांदि, श्रद्धा कापुरखौ मोजां फावखुंगुरि हिसाबै अन्सायगिरिफोरा जोबोर अनसायो, नाथाय रिप्ल लाइफआवबो फावखुंगुरिखौ अन्सायगिरिफोरेय जोबोदमोजांमोनो। बिथानि इनस्यग्रामआव आलिया भाट्ट दिपिका पादुकुण आगे केट्टिा केमनिप्रयबो बांसिन फेन फलें इंदु बिथाड मोगप्रेम सान्देआव गावनि अन्सायगिरिफोरेय थाखाय मोनसे पस्टखौ जेब्लाबो शेयार खालामो

अमिताभ बच्चनआ 81 बोसोर बैसोनि समावबो इन्डास्ट्रीयाव एक्टिभ थानाया सोरांआव फैदों

मुंदांखा फावखुंगुर अमिताभ बच्चनआ 81 बोसोर बैसोनि जाबाय आरो बिथानि आ दासिमबो इन्डास्ट्रीयाव एक्टिभ थायो। माखासे देरफुनाय स्टरनि बायदिनो बिग बिआबो बे बैसोयाव सावथुनफोरव खामानि मावनानै गावनि दोहौखौ दिन्थिदों। बेनि गेजेरजों बिथानाव जेब्लाबो बेखौ सौनाय जायोदि, बिथानि आ मानो खामानि मावबाय थायो। बावैसो सिगां केबिसि एपिसडनि शुटिनि गेजेरजों बिथानाव फिन खनसेबाव बे सौलुखौ सौनाय जादों। बेनि उनाव बिग बि बिथानि आ गावनि ब्लगनि पस्टआव बेनि फिन्नायखौ



होदों। गावनि बावैसो ब्लग पस्टआव कल्कि 2898 एडिनि फावखुंगुरआ लिस्दोंदि, माखासे खामानिनि सोमोन्दै आंखौ सौबाय थायो, आंनि खामानि मावनायनि जाहोनि थाखाय आंनाव जेबो फिन्नाय गैया। बेयो आंनि थाखाय मोनसे साखि मावनाय बायदिसो आरो मा

जाहोन थानो। बिग बिआ आरोबाव बुंदावदोंदि, आंनि खामानिखौ आंनो होनाय जादोंमोन। जेब्ला नोंसोरनो होनाय जायो अब्ला बेनि सौनायनि फिन्नायखौ नोंसोर होदों। नोंथामोनहा बुंदोंमोन, आं खोनासंदों, आं आंनि खामानि मावनायनि जाहोनखौ होदों।

बियो आं आंनाव जे जाहोन दड बेयो आंनि। दरजा फंथेनाय आरो थाला मारिना दडा जोबनायाव बिा बिआ बे आयदाखौ फोजोबनानै लिस्दोंदि, आं खामानिखौ मावो, बेवहाय अंहा जेबो जेना जाया। बवेखानि बिथानि मिबथि होदोंदि, बावैसो सिगां बे सप्ताहयाव गणपति महत्सव एपिसडनि शुटि खालामदों।

सावथुन 'तंगलान' आ मोजां रं आरजिनो हादों

'भेडा' सावथुननि थामथि साननि बक्स अफिस कालेक्शनआ सोराडाव फैदों

बे खेबाव उदांसि साननि खाबुआव बक्स अफिसआव जयै माखासे

मोनसे जोबोर इन्टेरेस्टिं गेमखौ लानानै नायगिरिफोरनि सिगाडव नुजाथिदों। बे मोनै

अफिसआव मोजां जादोंमोन। नाथाय गिबि उइकेन्डनि सिगांनो सावथुननि जागायनाया गात्रि जादोंमोन। जन आब्राहमआ 'भेडा' सावथुनजों लोगोसे फिन खेब एक्शन फावआव नुजाथिफिन्दों। बे सावथुनखौ हिन्दीनि अनगायैबो तामिल आरो तेलुगु रवआवबो रिलिजि खालामनाय जादों। तामिल आरो तेलुगु

बूहस्पतिबारआव रिलिजि जानाय भेडा सावथुनआ बन्दनि उनावबो थामथि सानव हिन्दीआव गासै 2.45 कौटि रंनि फालांगि खालामदों। 6.28 कौटि रंनिफ्राय जागायनाय भेडा सावथुनआ शुक्रबारखालि गासै 1.8 कौटि रंनि फालांगि खालामदोंमोन। शनिबारनि उनाव सानथामआव जन आब्राहमनि सावथुनआ नख'रारि बक्स अफिसआव गासै 10.55 कौटि रंसिम फालांगि खालामनो हादों। अदेबानि वर्ल्डवाइड सावथुननि गासै कालेक्शनआ 15 कौटि रंसिम जादों। अक्षय आरो जननि गेजेराव बेयो बक्स अफिसआव थामथि खेब सौगाव लायनाय



'स्त्रि 2' सावथुननि दोहौ सोमजिनायखौबो खोनानो मोन्दें। बे सावथुना गिबि साननिफ्रायनो गोबां रं आरजिनानै गावनि जायगा आवग्रिनो हादों। नाथाय बेजों लोगोसे रिलिजि जानाय माखासे सावथुनफोराबो जोबोर मोजां पारफर्म खालामदों। 15 आगस्टआव साउथनि मोन 5 निफ्राय बांसिन सावथुनफोरा रिलिजि

गाहाम देहानि राहा

थाइबें जानायजों माखासे मुलाम्फाफोरखौ मोन्वो हायो

जानायनि सिगां सालाद जानाया सावसियाव मोजां गोहोम खोख्लैनो हागौ। सालादनि बाथ्रा बुडोब्ला, भारताव थारैनो सालादआव थाइबें फिथाइआ दंफायो। थाइबेंआव मोननाय गासैबो गुनगोनां मुवाफोरा गासै सावसिखौ गोबां बिबाडव साबसिन खालामनो हायो। सालादआव थाइबें जानाया नोंथानि सावसियाव बेसेबां मोजां गोहोम खोख्लैनो हागौ। थाइबें फिथाइ जानायजों माखासे बेमार फोरा माखासे मुलाम्फाफोरखौ मोन्वो हायो। सेल्फआ नोंथानि देहाखौ हाइड्रेटेड लाखिनायाव हेफाजाब होनो हागौ, थामहिन्ना, नोंथाड थाइबें जाबाय थानानै डिहाइड्रेशननि जेनानिफ्राय बारग'नो हायो। लिस्थायखौ सामलायनो थाखाय नोंथाड थाइबेंबो जानो हायो। मोदोम देस्नायनिफ्राय रैखा मोन्वो




थाखाय थाइबें जानाया मोजां जायो। आचार्य श्री बालकृष्णनि बायदिब्ला, थाइबेंआ अन्थाइ बायदि गोब्राव बेरामफोरनि फाहामथायनि थाखायबो मुलाम्फाफोरखौ जानो हागौ। जुदि नोंथाड नोंथानि बिबुनि सावसिखौ साबसिन खालामनो लुबै यो, अब्ला सम सम थाइबेंखौ जानांगौ। थाइबेंआ उदैनि जेनानिफ्राय रैखा मोन्वो थाखाय जोबोद मुलाम्फा गोनां। बेखौ बिखानि सावसिनि थाखायबो मोजां होन्ना मानिनाय जायो। थाइबें जानायजों बिपिखौ

खमायनायाव हेफाजाब मोन्वो हागौ। गोसोआरि सावसिनि थाखायबो मुलाम्फा गोनां। थाइबेंआव मोननाय माखासे गुदिमुवाफोरा नोंथानि गोसोआरि सावसिखौबो गोबां जौगाहोनो हागौ। जुदि नोंथाड उन्दुनो ओंखारैनि जेना दड, अब्ला नोंथाड थाइबेंखौ जानो हायो। थाइबेंखौ सालाद महरैल' बाहायनाय जाया, बेनि अनगायैबो, स्किन केयार रुटिनआव नोंथाड बिगुरजों सोमोन्दो थानाय जेनाफोरखौबो गोबां बिबाडव सामलायनो हायो।

इमियाज आलिया 'हाइवे' सावथुननि माखासे बाथ्रा फोरमायदों

2014 माइथायाव रिलिजि जानाय आलिया भाट्ट आरो रणदिप हुड्डनि सावथुन 'हाइवे' खौ इमियाज आलिया डारेक्ट खालामदोंमोन। बे सावथुना आलियानि केरियारनि थाखाय जोबोर मोजां सावथुनफोरनि गेजेराव मोनसेमोन आरो बेयाव बिथानि फावखौ नायनायनि उनाव नायगिरिफोरा फावखुंगुरिखौ जोबोर बाखायदोंमोन। मोनसे इन्टेरेसिआव इमियाजआ फोरमायदोंमोनदि, बिथाडा गाहाइ फावनि थाखाय आलिया बायदि देरफुनाय फावखुंगुरिनि अनगा आलादा महरनि आइजोखौसो मिजिं खालामदोंमोन। अदेबानि 'लव शव ते चिकन खुराना' नि स्क्रिनिआव आलिया भाट्टजों लोगो मोनलायनाया टायरेक्टरनि गोसोखौ सोलायदोंमोन।



आलियाआ 'हाइवे' सावथुनाव बिरानि फाव दिन्थिदोंमोन आरो डायरेक्टरआ बेनि थाखाय सिगां एशर्यां रयखौ कास्ट खालामनो सान्दोंमोन। रिपटिनि बायदिब्ला, बिथाडा बेखौ शेयार खालामदोंमोनदि, बिथानि इमशानेल् स्ट्रेन्थआ जोबोर बारमोन आरो आं बिथानि जां बाथ्रा सावरायनानै जोबोर गोहोम

गोरलैदोंमोन। बेनि उनाव बिथाड बुंदोंदि, बिथाड जेरे न'नि आरो समाजनि बायदि गोथौ आयदानि सायाव बाथ्रा सावरायनो हमो अब्ला डायरेक्टरनि सिगाडव बिथानि थार बुजिनाया साफिखाडो। उनाव बिथाड हमादाडोदि, जाय गोथौ इमशानेल्खौ बिथाडा बिरानि फावनि थाखाय लुबैदों,

बेखौ बिथानि सिगाडव थानाय देरफुनाय हिन्जावसायाबो दिन्थिनो हायो। इमियाजआ आरोबाव मिबथि होदोंदि, बे रलनि थाखाय बिथाड गिदिर बैसोनि फावखुंगुरिखौसो लानो सान्दोंमोन। आलियाखौ लोगो मोननायनि उनाव डायरेक्टरआ रवजौबो सोमोन्दै लायाखै आरो बिथानिखोनो सायख'यो।



सावथुनफोर नुजाथिदों। हिन्दी आरो साउथनि गासै सावथुनफोर सिनेमाहलफोरव रिलिजि जादों। स्त्रि 2 आ, जेराव सिक्वेलेजों फैंदों, फार्सीथं अक्षय कुमारआबो 'खेल-खेल में' जों लोगोसे

सावथुनफोरजों लोगोसे बक्स अफिसआव जन आब्राहमनि 'भेडा' आबो सौगावफैदों। निखिल आडवाणनि दिहनुनायाव बानायजानाय 'भेडा' नि जागायनाया बक्स

रवआव भेडा सावथुननि रं आरजिनाया गिबि सानावनो बन्द जादोंमोन। देबानि, हिन्दी रवआव दासिमबो सावथुना लासै-लासै दावखोगासिनो दड। रिपटिनि बादिब्ला,

हाबाय। तंगलान सावथुनआ 13.3 कौटि रंनिफ्राय जागायजेन्दोंमोन। शुक्रबारआव रं आरजिनयखौ दावखलायनाय नुनो मोन्दें। सावथुनआ 4.75 कौटि रंनि फालांगि खालामबाय। शनिबारआव फिन खेब बेनि कालेक्शनखौ दावखोनाय नुनो मोन्दें। रिपटिनि बायदिब्ला, तंगलान सावथुनआ 5.75 कौटि रं आरजिबाय। बे सावथुननि गासै फालांगिआ 23.80 कौटि रं जाबाय। तंगलान सावथुनआ बे समाव साउथनि बयनिखुइ देरसिन सावथुनफोरनि गेजेराव मोनसे जादों। बे सावथुना रं आरजिनयनि बिथिडव सन्जय दत्तनि 'डबल इस्मार्ट' आरो बिक्रम तैजानि 'मिस्टार बच्चन' खौबो उन खालामनो हादों। सानथामाव मिस्टार बच्चन सावथुननि कालेक्शनआ 7.35 कौटि रं आरजिनो हादों। बेराफासै, इस्मार्ट सावथुनआ 10.10 कौटि रंनि फालांगि खालामदों।

एलन मास्कनि कम्पनीया ब्राजिलआव गावसोरनि सालायनायखौ बन्द' खालामसिगोन

कलिफर्निया, 18 आगस्ट : दुइतरजौं एक्स बानायग्रा एलन मास्कनि कम्पनीया मोनसे गिदिर सेलेन्स मोन्दो। बे एक्सआव ब्राजिलआव गावसोरनि सालायनायखौ इमार्जेन्स गोहोमजो बन्द' खालामगासिनो दड। बेनि खौरांखौ सशोल मिडिया प्लेटफर्म एक्सआ थांनाय शनिबारखालि होदो आरो बे थांखिनि थाखाय कम्पनीया ब्राजिलनि देरसिन बिजिरगिरि आलेक्जेन्डर डि मरेसखौ दायनिगिरि हमदो। एक्सनि ग्लेबल गभर्मेन्ट एफेयर्स टीमआ गावसोरनि मावख'यारि हेन्डेलनि गेजेरजौं आलेक्जेन्डर डि मरेसनि सायाव सेन्सशिप बिथोनफोरखौ फालियेयाव ब्राजिलनि बिसेरनि आइनारि थान्दैखौ ग्रेप्टार खालामनो हुमखि होनारनि दाय जाबसिन्दो। लोगोसे मरेसआ आइनखौ फालिया जासे बिसेर



ब्राजिलनि बिसेरनि मावसुमाफोरखौ सिगि-सग' खालामदो होना बुडो। गइटरफोर फोरमायनाय बायदिब्ला, सशोल मिडिया डिगजआ गोब्राबै मरेसनि गेजेरजौं मुंसाइनाय मोनसे फोरस्मानलाइनि सावगारिफोरखौ फोसावदो, जेराव बुंनाय जायोदि, जुदि प्लेटफर्मआ मरेसनि बिथोनफोरखौ आबुडे फालियाब्ला एक्सनि थान्दै रहेल नवा कन्सेकाअनि हे'थायै सानफोमबो 20,000 रिसिस (3,653 डलार) नि जुस्माना आरो ग्रेप्टारनि बिथोन होनाय

जागोन। बेजौं लोगोसे एक्सआ जौनि सिबिथाया ब्राजिलनि सुबुंफोरनि थाखाय सोलिबाय थागोन होना बुडो। बेनि ओंथिया बेनोदि, आधिखालाव एक्सआ ब्राजिलआव गावसोरनि अफिसखौ बन्द' खालामसिगोन नाथाय सार्थिसेसखौ रिमटनि गेजेरजौं अपारेट खालामगोन। बेजौं लोगोसे एक्सआ बेबायदि खालामनानाथनि थाखाय गोथौयै दुखु मोननाय फोरमायदो। एक्सनि बिगोमा एलन मास्कआबो बे थांखिनि सायाव फिनजाथाइ होदो।

इमरान खाननि एमपिफोरा चिफ जास्टिसखौ बिसायख'थि जेनांखौ सुस्त्रांग्रा पीठनिफ्राय जानगार खालामनो दाबि दैखांदो

इस्लामाबाद, 18 आगस्ट : पाकिस्ताननि आगुनि गाहाइ मन्थि इमरान खाननि पार्टी पिठिआइनि सा 9 एमपिफोरा बिसायख'थि जेनांफोरजौं सोमोन्दो गोनां केसफोरखौ सुस्त्रानो थाखाय पान्जाबव थिसन्नाय बिसायख'थि बिजिरनाय केसनि हियारि खालामग्रा पीठनिफ्राय पाकिस्ताननि गाहाइ बिजिरगिरि (चिफ जास्टिस) काजि फेज इसाखौ जानगाराव लाखिनो दाबि दैखाडो। अदेबानि हादतआव थांनाय 8 फेब्रुवारियाव सरासन्ना बिसायख'थि जादोमोन। बेयाव गोबां गेना-खान्थिनि दाय जाबसिन्दोमोन। बेनि गेजेरजौं बिजेपिखौ दैदेनग्रा सुप्रिम कर्टनि सा 5 सोद्रोमायारि पीठआ थांनाय 8 फेब्रुवारीनि सरासन्ना बिसायख'थिफोरजौं सोमोन्दो गोनां जेनांफोरखौ सुस्त्रानो थाखाय पान्जाबव



बिसायख'थि यारि बिजिरगिरिफोरनि हान्जा दानायनि सोमोन्दै लाहर हाइ कर्टनि थांखिनि हे'थायै पाकिस्ताननि बिसायख'थि आयगनि आर'ज गावनायनि सायाव बिजिरगोन। जास्टिस काजि फेज इसानि अनगायै पीठनि सोद्रोमाफोरनि गेजेराव अमीनुद्दिन खान, जमाल, खान मन्डखेल, नइम आख्तार अफगान आरो जास्टिस अखिल अहमद अब्बासीया दंफायो। थांनाय 4 जुलाइयाव सुप्रिम कर्टआ पान्जाबआव सा 8

बिसायख'थियारि बिजिरगिरिफोर थिसन्नायनि सायाव लाहर हाइ कर्टनि थांखि आरो बिसेरनि बिथोनखौ बोखारना होदोमोन। बे बोखलायनाया बै समसिम गोहोम गोमैगोन, जेब्लासिम हाइ कर्टनि गाहाइ बिजिरगिरि आरो इसिपिनि गेजेराव सावरायनाया आबु जाया। पिठिआइनि एमपिफोरा रेजिस्टार सुप्रिम कर्टनियाव गावसोरनि आर'ज गावनायाव बिसायख'थियारि बिजिरनाय आयदनि सायाव हियारि खालामबाय थानाय पीठनियाव जास्टिस इसाखौ आलादा खालामनो थाखाय आर'जलाइ गथाइनो दाबि दिखाडो।

बेकारनि हारआ एप्रिल-जुनआव 6.6 जौखोन्दोआव दिदोमै थादो

गोदान दिल्ली, 18 आगस्ट : सोलिफु रांखान्थि बोसोर 2024-2025 नि एप्रिल-जानुवारीसिम 3 दानआव सहारि ओन्सोलाव 15 बोसोर आरो बेनि बांसिन बैसोनि सुबुंफोरनि खामानि गैये बेकारनि हारआ 6.6 जौखोन्दोआव दिदोमै थायो। एनएसएसआ गावनि अन्जिमायाव बेखौ मिबथिहोयो। लेबार हान्जायाव बेकार सुबुंफोरनि जौखोन्दोखौ बेकारनि हार होनाय जायो। रांखान्थि बोसोर 2023-24 नि जुनसिम 3 दानआव बे हारआ 6.6 जौखोन्दोआनोमोन। मोनसे मावख'यारि फिन्नायनि बायदिब्ला 23 थि पिपलएफएसनिफ्राय मिबथिनो मोन्दोदि, 2023-24 नि जानुवार-मार्चसिमनि 3 दानआव सहारि ओन्सोलाव बेकार जेनानि हारआ 6.7 जौखोन्दोमोन। सार्थेनि बायदिब्ला सहारि ओन्सोलाव आइजोफोरनि गेजेराव बेकारनि हारआ एप्रिल-जुन, 2024 आव 9 जौखोन्दोमोन, जाय 1 बोसोर सिगां बे एखे समाव 9.1 जौखोन्दोमोन। बे हारआ



जानुवारी-मार्च, 2024 आव 8.5 जौखोन्दोमोन। सहारि ओन्सोलाव होवाफोरनि गेजेराव बेकारनि हारआ एप्रिल-जुनआव दावखलायना 5.8 जौखोन्दो जायो, जाय 1 बोसोर सिगां बे एखे 3 दानआव 48.8 जौखोन्दोमोन। अखिल भारतीय थाखायाव, सहारि ओन्सोलाव एप्रिल-जुन 2024 नि मसाव गासै 5,835 एफएसडनिसि सार्थे खालामनाय जादो।

जौखोन्दोमोन। फारसेथि 15 बोसोर आरो बेनि बांसिन बैसोनि सुबुंफोरनि थाखाय सहारि ओन्सोलाव सोलिफु सप्ताहयारि थाखायाव लेबार हान्जानि शेयारि हारआ एप्रिल-जुनआव बानानै 50.1 जौखोन्दो जायो, जाय 1 बोसोर सिगां बे एखे 3 दानआव 48.8 जौखोन्दोमोन। अखिल भारतीय थाखायाव, सहारि ओन्सोलाव एप्रिल-जुन 2024 नि मसाव गासै 5,835 एफएसडनिसि सार्थे खालामनाय जादो।

एयार इन्डियानि एयार हस्तेसखौ लन्डननि हटेलआव बुनाय केसआ नुजाथिदो

गोदान दिल्ली, 18 आगस्ट : एयार इन्डियानि सासे एयार हस्तेसखौ लन्डननि गंसे हटेलाव बुनायनि केसा नुजाथिदो। गंसे हटेलाव एयार हस्तेसखौ ख'थायाव सासे सिनाय मोनै गाग्लोबग्राया गात्रियै गाग्लोबो। दाय जाबसिन्नाय बायदिब्ला एयार हस्तेसनि ख'थायाव सासे सिनाय मोनै सुबुड हाबनानै बुनो जागायो। गाग्लोबग्राया जिनि हेंगरजौं हस्तेसखौ बुयो आरो हायाव बुदुयो। उनाव हसिखावनायखौ खानानै खाथिनि ख'थायाव थानाय सुबुंफोर थाबेनो मदतनि थाखाय फेयो आरो गाग्लोबग्राखौ हमो।



खौरांनि बायदिब्ला, एयार इन्डियाआ बे जाथयनि खौरां होदो। आधिखालाव बे जाथयखौ पुलिसिनियाव केस थिसन्नायै नायबिजिरनो जागायबाय। बेजौं लोगोसे एयारलाइना खोथा होदोदि, हस्तेसखौ एयार साइकल 'जिके ल सार्पट मोनगासिनो दड' आरो बिसेर बे गोब्राव समाव आबुडे बिजो लोगोसे दंफायो। एयार इन्डियाआ बे जाथाइनि सायाव दुखु मोननाय फोरमायदो।

रासियाआव 7.2 गोखैथिनि बांग्रि



मस्क, 18 आगस्ट : इरपीय भुमध्य लैथोमायारि बांग्रि बिगियान मिरु (इएमएससि) आ बुंनाय बायदिब्ला रासियानि कामचटका ओन्सोलाव सान्जा बोरियाव 51 कि:मि: (32 माइल) नि गोथौआव 7.2

गोखैथिनि बांग्रि फेदो। जायगानि मिडियाआ रबिबारखालि फोरमायोदि, हादतनि सान्जा बोरियाव फेनाय 3 गोखैथिनि बांग्रि फेनाय उनाव का-मचटका ओन्सोलाव रासियानि शिवलुच अरगं हाजोआ बेरफुयो। राइज्योनि गावयारि टिएएसएस कौरां एजेन्सिया रासियानि बिगियान एकाडेमिनि सुदुर सान्जा ब्रानसनि अरगं हाजो आरो बांग्रि बिगियान फसंथाननि गथाइनाय खौरांजो फोरमायोदि, अरगं हाजोनिफ्राय अरखि आरो लाभा ओंखारनाया जागायबाय। रिपटनि बायदिब्ला बे बांग्रिजौं सुनामिनि गिनगो एबा अलखद दड। नाथाय रासियानि इमार्जेन्स बिफाननि कामचटका ब्रान्सआ सुनामिनि जेबो गिनगो गैया होना फोरमायदो।

जयपुरनि फाहामसालिफोराव बमा दोन्दो होन्ना इ-मेल हर्टो

जयपुर, 18 आगस्ट : राजस्ताननि जयपुराव माखासे देहा फाहामसालिफोरखौ बमाजो उरायहोनो हुमखि हर्टो। फाहामसालिफोराव फुनि 7 रिगायाव मोनसे इ-मेलआव बे हुमखिखौ हरो, जायनि उनाव दावराव-दावसि सोमजियो। इमेलआव बम दोन्दो होन्ना बुहन्नायनि उनाव खुंथाया हाइ एलार्टआव फेयो आरो जाय देहा फाहामसालियाव बमा बेरफुहोनायनि हुमखि मोन्दो बेफोराव रैखाथिखौ बांहोनाय सिग्रोमो। बमा दोन्दो होन्ना हुमखि मोन्नाय फाहामसालिफोरनि गेजेराव सिके बिडुला फाहामसालि आरो मनीलेक फाहामसालियाबो दंफायो। बमा दोनायनि हुमखि मोन्नायनि उनाव पुलिसि हान्जा आरो बमा डिपिउस खालामग्रा



हान्जाया फाहामसालियाव सौहैना सार्थे अपारेसन खालामो। फारसेथि सरासन्ना सुबुंफोरखौ गोसारलाबायनाय खौरांखौ नोजोर होयाजासे थानो आरो गोजोन थासारि लाबोनो खावलायदो। मख'जाथावदि, हुमखि हस्नाय बे खौरांआ नंखाय फोरमान जायो जेब्ला हुमखि

मोन्नाय फाहामसालियाव नायबिजिरनायनि उनाव जेबो मोनाखै। थांनाय शनिबारआव हारियापानि गुरुग्रामआव एम्बियन्स मलआवबो बमा दोन्दो होन्ना हुमखि मोन्दो आरो बेनि सानसे उनावनो जयपुरनि फाहामसालि फोराव बमा दोनायनि हुमखि मोनो। नवि

मुम्बाइनि वाशि ओन्सोलाबो गंसे गाहाइ मलआवबो इमेलआव बिबिनो बमा दोन्दो होन्ना हुमखि हर्टो। बेनि उनाव मलखौ खालि खालामहोनाय जायो आरो नायबिजिरो। बेयावबो जेबो जेना गोनां मुवाखौ मोनाखैमोन।

अंग फालांगि खालामग्रा हान्जानि सा 4 दायनिगिरिफोरनि हे'थायै चार्जशिट थिसनबाय



गोदान दिल्ली, 18 आगस्ट : एनआइएया के रेलानि नेदुंबसेरीयाव मेडिकेल टुरिज्मनि गेजेरजौं गिदिग्रा इन्टरनेशनल

अंग फालांगि रेकेटआव थाफानाय सा 4 दायनिगिरिफोरनि बेरेखायै सार्चसिट गथायो। बेयाव बुंनाय जादोदि, दायनिगिरि

लाइमोनफोरनो रनि बदले अंग दान होनो थुलुंगा होदोमोन। बिसेरो मोनसे गिदिर अंग फालांगि रेकेटनि गेजेरजौं गुबुन

हादतआव अंगफोरनि स्मिलिं खालामोमोन। एनआइएनि नायबिजिरनाय बायदिब्ला, दायनिगिरिया भारतआव अंग दान होग्राफोरखौ सायख'योमोन एबा थि खालामोमोन। एजेन्ट आरो इन्टरनेट मिडियानि गेजेरजौं बिसेरखौ रनि लब दिन्थिनाने बिसेरखौ अंग दान होनो नारसिनोमोन। एनआइएनिफ्राय फोसावनाय फिन्नायाव बुंदोदि, हान्जाया गोनांथि जानाय भारतयारि बेरामिफोरजौं फोनांजाव खालामदो आरो इयनआव बिनि अंग ट्रान्सफार सुबिधानि थाखाय बिनो 50 लाख रां लादो। हान्जाया अंग दान होग्राफोर आरो अंग

शिल-डावकी लामाखौ बानायफिन्नाय हाबाफारिया मौसुमी बोथोरनि उनाव जागायफिनसिगोन

शिल, 18 आगस्ट: मेघालयनि बिबानगिरिफोरा फोरमायदोदि, राइज्योनाडे लान्थियै अखा हानाय दोहौनि उनाव शिल-डावकी लामायाव गोलाव समनिफ्राय लोयलैसोना थानाय बानायफिन्नाय

हाबाफारिया थाबेनो जागायफिनसिगोन। लेडाइ गिबि मन्थि प्रस्टन तिनसंआ सिगाडाव खौरां होदोमोनदि, माहारियारि राजा लामा आरो एनएसआइडिसिएलआ मोन 3 पेकेज फोसावदोमोन- बेफोर जाबाय उम्शिरपी



बिजनिफ्राय गोजौ शिल, मायइलेयामनिफ्राय पिनुस्ला आरो गाहाइ पिनुस्लानिफ्राय डावकीसिम। अदेबानि गोजौ शिलसिम लामा बानायनाय बिथांखिनि हाबाफारियाव जौगाखाडे सोलिगासिनो मोन्दो। आधिखालाव

गोबां अखा हानायनि जाहोनाव लामा बानायफिन्नाय हाबाफारियाव बांसिन गोहोम गोमलैदो। मिडिया रिपटनि बायदिब्ला, पाइनसलानि फारसे लामा बानायनाया जौगाखाडे सोलिगासिनो दड। अदेबानि राइज्योनाडे

गोबां अखा हानायनि जाहोनाव डिके दालां बानायनायजौं लोगोसे डिके रडनि जोवथा हाबाफारिया दासिमबो जागायफिनाखै। एनएसआइडिसिएल बिबानगिरिफोरनि बायदिब्ला, शिल-डावकी लामानि जोवथा बाहागोआ 4 लेननि जागोन।

भारतआ 2035 सिमाव गावनि अखांमा स्टेसन फसंनो थांखि लादों

गोदान दिल्ली, 18 आगस्ट: हाबाफारिफोरा मोजाइडै सोलिलाडेब्ला भारतआ 2035 माइथायसिमाव अखांमा स्टेसन फसंनो आरो 2040 सिमाव अखाफोराव सुबुं दैथाइहरना जारिमिन सोरजिगोन। बेफोर बाभ्राखौ मिरुनि बिगियान आरो गोनोखोयारि रइज्यो मन्थ्रि ड जितेन्द्र सिंहआ रबिबारआव बुडे। रइज्यो मन्थ्रिया बुडेदि, अखांमाजो लोब्बा गोनां मिरुयारि बाजेट 2024-25 आव फोसावनाया इयुनखौ नोजोर होनानै फोसावजानाय। बिथाड 2025 नि नैथि 9 दानसिम भारतयारि एस्टुनटखौ अखांमायाव दैथाइहरनो आरो 2040 सिमाव अखाफोराव गिबि भारतीयखौ आगान होहोनायनि मख 'जाथाव यजनानि बाभ्रा बुडे। सिगां फारसे मन्थ्रिया बुबावोदि, 2023 आव बिथांमोनहा 1,000 कौटि रानि इन्भेस्ट खालामनायखौ नुहुदों। हमदानाय जायोदि, फैगौ 10 बोसोराव रंखाथि बेब 'स्थाया 5 गुण एबा 44 बिलियन डलारसिम बांगोन।



लोगोसेनो बिथाड भारतयारि बिगियानगिरिफोरनि गुबुन हादतयारि स्पेस एजेन्सिफोरजों लोगोसे खामानि मावानयखौ लानानै बुडेदि, बेजों गुबुन हादतआव थांग्रा गोरों-गोरा सुबुंफोरखौ होबथानो हानायनि आसाबो खालामदों। मन्थ्रिया फोरमायोदि, गगनयानआ फैगौ बोसोराव अखांमायाव बिरगोन। मानोना करनानि जाहोनाव भारतनि गिबि सुबुं थांफानाय अखांमा यान मिशनआ गोबाव जानानै दड। बेजों लोगोसेनो भारतआ रबट प्लाइट दैथाइहरनायनिबो थांखि लादों। 2025 माइथायसिमाव सासे आइजो रबट, बायुमित्राखौ

अखांमायाव दैथाइहरगोन। बे रबटआ सासे अखांमा दावबायारिनि गासैबो हाबाफोरखौ मावगोन आरो बहुमाव फैफिनगोन। 2023 नि गोदान अखांमा खास्थिनि बाभ्रा बुथिनानै मन्थ्रि जितेन्द्र सिंहआ बुडेदि, गोदान खास्थिजों भारतआव डिजिटल स्पेस स्टार्टअपखौ गुवारै नोजोर होदों। गोदान खास्थियाबो इसर 'नि हाबाफारियाव प्राइभेट सेक्टरनि थाखाय दरजा गेवहोदों। इसर 'नि गुदि बिथाखौ गोखों खालामनानै बिथाड इसर 'आव मोनसे प्राइभेटाइजे शान लन्चपेडबो गाइसनो होना सिगाडव 3 विकेट गोप्लेनारवि

आइजोफोरनि क्रिकेटआ भारत-एआ अस्ट्रेलिया-एखौ 171 रानजों फेजेन्वों

गोदान दिल्ली, 18 आगस्ट: भारतनि आइजो ए हान्जाया अस्ट्रेलिया दावबायनायाव गानि गिबि जाफुंसारनायखौ मोननो हादों। हान्जाया दिनें थामथि अडिआइआव अस्ट्रेलिया-एखौ 171 राननि गिदिर फारागथिजों फेजेनो। भारतनिफ्राय लेग स्पिनार प्रिया मिश्राया खालि 14 रानआव 5 विकेट लानो हायो। भारतआ फारिनि थामथि अडिआइखौ देरहायो, नाथाय हान्जाया फारिखौ 1-2 नि फारागथिजों जेनो गोनां जायो। बिनि सिगां अस्ट्रेलिया-एआ मोन 3 टी-20 सिरिजखौ 3-0 जों देरहादोंमोन। मेकाय स्ट्रेडियामाव, अस्ट्रेलिया-एआ टस देरहानानै सिगां बलिं खालामनो थिरांथा लायो। भारतआ नैथि अभावाव गिबि गेलेगिरि स्वेता सेहयवतनि विकेट खोमायो। बियो एकाउन्टखौबो खुलिनो हायाखैमोन। बिनि उनाव किरण नवगिरेआ 25 आरो उमा छेत्रीआ 16 रान बनायदोंमोन। बवेखानि, सानैबो 43 राननि हान्जानि स्करआव आउट जायो। सिगाडव 3 विकेट गोप्लेनारवि



उनाव, तेजल हसबनीस आरो राघवी बिष्टआ हान्जाखौ सामलायो। सानैबो जौसे रान बनायो आरो हान्जाखौ 147 सिम लाबोनो हायो। तेजलआ 50 आरो राघवीआ 53 रान बनायनो हायो। 165 रानआव 5 विकेट खोमानायनि उनाव, सजीवन सजना आरो केप्टेन मिन्नु मणिआ स्करखौ 200 नि बांसिन लाबोयो। सजनाया 40 आरो मिन्नुआ 34 रान बनायो।

मोनसे मोजां जागायजेनायनि उनाव, भारतनि आइजो हान्जाया डेथ अभावाव बायदोंमोन। हान्जाया 9 विकेट खोमानानै 243 रानल' बनायनो हायो। अस्ट्रेलियानिफ्राय मेटलान ब्राउनआ 3 विकेट लायो, निकोला हेनक'क आरो चार्ली नटआ 2-2 विकेट लायो। टेस फिलनतफ आरो कैट पीटरसनआ 1-1 जों जाफुंसारनो हायो। 244 राननि थांखिखौ होसोनानै

अस्ट्रेलिया-एआ गाडि जागायदोंमोन। हान्जाया 20 राननि स्करआव 2 विकेट खोमायो। मेघना सिंह आरो यशश्री सन्दोपानीआ 1-1 विकेट लानो हायो। पावारप्ले जोबखानायनि उनाव, प्रिया मिश्राया बलिं खालामनो फेदोंमोन। बिथाड 14 रानआव 5 विकेट लायो आरो अस्ट्रेलियाआ 72 राननि स्करआव 9 विकेट खोमायो।

केप्टेन मिन्नु मणिआ 2 विकेट लायो आरो अस्ट्रेलिया-ए इनिंसआ 72 रानआव खम जायो। साइका इशाकआबो भारतजों मोनसे जाफुंसारनाय मोननो हायो। सा 3 बेट्समेनफोरा अस्ट्रेलिया-एनिफ्राय एकाउन्टबो खुलिनो हायाखैमोन, फारसेथिं सा 5 बेट्समेनफोरा 6 राननि बांसिन रान बनायनो हायाखैमोन। मेडी डार्कआ 22 आरो टेस फिलनतफआ 20 रान बनायो। भारत-ए आरो अस्ट्रेलिया-ए नि गेजेराव गासै मोनथाम महरनि फारिखौ 7 आगस्तनिफ्राय गेलेनाय जागायजेन्दोंमोन। अस्ट्रेलिया-एआ टी-20 सिरिजखौ 3-0 आरो अडिआइ सिरिजखौ 2-1 जों देरहायो। दायो 22 आगस्तनिफ्राय गलड क'स्टआव मोननैबो हान्जानि गेजेराव सानब्रैनि टेस्ट गेलेनाय जागोन।

मुलुगनि बयनिखुइबो गोजामसिन क्रिकेट गेलेग्रा हादत अस्ट्रेलिया आरो इंग्लेन्ड टेस्टनि 150 बोसोर आबुं जानायाव मेच गेलेगोन

गोदान दिल्ली, 18 आगस्ट: मुलुगनि बयनिखुइबो गोजामसिन क्रिकेट गेलेग्रा हादोर अस्ट्रेलिया आरो इंग्लेन्ड टेस्टनि 150 बोसोर आबुं जानायाव मेच गेलेगोन। बे टेस्टआ मार्च-2027 माइथायाव मेलबर्न क्रिकेट ग्राउन्डनि (एमसिजि) जारिमिनारि फोथाराव गेलेनाय जागोन। बे फोरमायथिखौ क्रिकेट अस्ट्रेलियानि सिइअ निक हकलेआ होदों। बिथाड बुडेदि, 2027 माइथायनि मार्चआव एमसिजिआव 150थि बोसोरारि टेस्टआ मुलुगनि गेदेमा गेलेमुफोरनि गेजेराव मोनसेनि साबसिन महरनि मोनसे फालिथाय जागोन। जों बै जारिमिनारि फालिथायाव इंग्लेन्डखौ बान्जायनो गोसो गुडुडे नेगासिनो दं। हाकलेआ बुडेदि, जों गोलाव समनि बान्जायगिरिफोरखौ फोसावनानै गोजोनानाय मोनदों, जाय फैगौ सि बोसोराव माखासे समायना क्रिकेट मेचनि थावनिफोरखौ थि खालामो। बे समफारिआ थि खालामोदि साबसिन क्रिकेटखौ हादतनाडे थि समाव साबसिन



जायगायाव गेलेनाय जागोन। टेस्टनि 100 बोसोर आबुं जानायनि उनावबो, बे फोथाराव बे मोत्रै हान्जानि गेजेराव मोनसे टेस्ट मेच गेलेनाय जादोंमोन। इ 1977 माइथायाव गेलेनाय मेचखौ अस्ट्रेलियाआ 45 रानजों देरहादोंमोन। इ 1877

माइथायाव गिबि टेस्ट मेचखौबो अस्ट्रेलियाआ 45 रानजों देरहादोंमोन। बे गोरबथानि बायदिब्ला, जाय 2030-31 सिजनसिम सोलियो, बकिंस डे टेस्टआ फैगौ 7 बोसोरनि थाखाय मेलबर्नआव खुंजागोन। बेल' नड, गोदान बोसोरनि टेस्टआ सिडनीआवल' गेलेनाय जागोन। खुंस्टमासनि एसे सिगां टेस्टखौ एडिलेडआव खुंनाय जागोन, फारसेथिं सिजननि गिबि टेस्टआ पर्थआव खुंजागोन, थेवब्लाबो पर्थआ फैगौ 3 बोसोरनि थाखायल' सागान होदोंमोन। बे नि ओंथिया बेबोदि फैगौ बोसोरनि एशेजखौ ब्रिस्बेननि दोरोडारि गाबा फोथारनि जायगायाव पर्थआव खुंनाय जागोन। गाबायाव स्ट्रेडियामा 2032 मायथाइनि अलिम्पिकखौ नोजोर होनानै लुगासिनो दं आरो बे समाव जोबोद बाडाय टेस्टफोर जागोन।

नख 'र बिफानआ डक्टरफोरनि बन्द 'नि सायाव नोजोर लाखिगासिनो दड

गोदान दिल्ली, 18 आगस्ट: सावस्त्रि बिफानआ थांनाय शनिबार खालि बुडेदि, सावस्त्रि जोथोन लाग्राफोरनि रेखाथिखौ रोखा खालामनो थाखाय गासै जानो हाथाव रहा लामा लानो थाखाय मोनसे कमिटि दानाय जागोन। बेनि सोमोन्दे रइज्यो सरकारफोरजों लोगोसे गासै थान्देफोरखौ कमिटिजों लोगोसे गावसोरनि सुबुरनखौ शेयार खालानो थाखाय आर'ज गाबनाय जागोन होना बिफानआ बुदों। बिफानआ कलकातानि आरजि कर मेडिकल कलेज आरो देहा फाहामसालियाव सासे आइजो ट्रेनी डाक्टरखौ जिनाहारि खालामनानै बुथारनायनि हँथायै हादत नाडै सोमावसारबाय थांनाय डक्टरफोरखौ गुवारै डेंगु आरो मेलेरियानि केस बांनायखौ नोजोर होनानै गाववा गानि खामानियाव फैफिननो आर'ज गाबदों। अदेबानि फेडेशन अफ रेजिडेन्ट डक्टर्स एस'सिएशन



(फरडा) इन्डियान मेडिकल एस'सियेशन (आइएमए) आरो दिल्लीनि सरकारि मेडिकल कलेजफोर आरो देहा फाहामसालिफोरनि रेजिडेन्ट डक्टर्स एस'सियेशननि थान्देफोरा कलकातानि जाथायखौ नोजोर होनानै सावस्त्रियारि मन्थ्रि जेपि नडडाजों लोगो हम्नो। गुबुन-गुबुन एससियेशनआ हाबा मावग्र। जायगाफोराव डक्टरफोरनि रेखाथिनि सोमोन्दे

गावसोरनि दाबि दैखानायखौ लाखियो। बेनि गेजेरजों बिफानआबो दाबि दैखानायफोरखौ खोनासंनानै सावस्त्रियारि जोथोनगिरिफोरनि रेखाथिखौ रोखा खालामनो थाखाय जेब्लाबो नाजानो खोथा होयो। नख 'र बिफानआ गासै राज्ज्योरि पुलिस हान्जाखौ डक्टर, नार्सि स्टफ आरो गुबुन सुबुंफोरनि गेजेरजों खालामनाय बन्द 'फोरखौ नोजोर लाखिना जेब्लाबो 2 घन्टानि गेजेराव

थासारिनि रिपर्ट होनो खवलायो। बेनि गेजेरजों नख 'र बिफानआ रइज्योरि पुलिस हान्जाफोरनो वाटसएप नाम्बार आरो इमेल आइडिनो होदों, जेराव थासारिनि रिपर्टखौ दैथाइहरनो हागोन। इन्डियान मेडिकल एस'सियेशनआ थांनाय शनिबारखालि गाहाइ मन्थ्रि मदिनोबो लाइजाम लिखस्ता डक्टरफोरनि रेखाथिखौ लानानै माखासे दाबि दैखाडो।

हा गिसिखानायजों कहिमा-डिमापुर राजा-लामाया गोथेदों

कहिमा, 18 आगस्ट: नागालेन्डआव कहिमा आरो डिमापुरनि गेजेराव महारियारि राजा-लामा 29 आव थानाय दजुदजा ब्रिजनि खाथियाव मोनसे गिदिर हा गिसिखानायनि जाहोनाव खुंथाया खाथि-खालानि थागिबिफोरखौ बोखारनो बिथोन होनानों। गोबां अखा हानायनि जाहोनाव हा गिसि खानाया राजा-लामाखौ आबुडे होथेयो आरो बेयाव हान्था-मेलालाया गोथेना थायो। डिपुटि कमिसनार कुमार मणीकान्त आ एनएचआइडिसिएल, कहिमा पुलिस, जिल्ला अलखद सामलायग्रा अटरिदि (डिडिएमए) आरो एम/एस ब्रान्ड इगलसनि बिबानगिरिफोरजों लोगोसे शुक्र बारखालि साइटखौ नायबिजरो आरो बेनि थासारिखौ गोब्राव महैर गनायना



लानाय जादों। बेनि गेजेरजों डिडिसिया मोनसे बिथोन फोसावनानै हा गिसिखानायजों गोहोम गोप्लेनय ओन्सोलाव न' आरो गलाफोरनि थागिबिफोरखौ गिदिर अलखद सोम'जिनारनि सन्देह'आव थाबैनो खालि खालामनांगो होना बिथोन होयो। बेय फारसे थासारिखौ सामलायनो थाखाय

मोनसे गोखों हाबाफारि मावनाय बिथांखिनि सायाव खामानि सोलिगासिनो दड। लामाया बन्द' जासेयावबो डिडिसिया सुबुंफोरनो कहिमायाव गोनांथि जानाय मुवा-बेसादफोरनि आंखाल जानाय नड होना खोथा होदों। दावबायनायनि होंगो-दोंगोखौ खम खालामनो थाखाय डिडिसिया दावबायारिफोरखौ सायख 'जाथाव

आइसिसिनि 19 बोसोर सिंनि आइजोफोरनि वाल्ड कापनि समफारिखौ फोसावबाय

गोदान दिल्ली, 18 आगस्ट: आइसिसिनि 19 बोसोर सिंनि आइजोफोरनि टी-20 वाल्ड कापनि समफारिखौ फोसावनाय जायो। दिनें मुलुगनां क्रिकेटनि गुदि आफाद आइसिसिआ 19 बोसोर सिंनि आइजोफोरनि टी-20 वाल्ड कापनि सोमोन्दे



माखासे खौरां फोसावो। फेवाय थानाय टी-20 वाल्ड कापखौ मलेशियायाव खुंनाय जागोन। वाल्ड कापआ 18 जानुवारीनिफ्राय 2 फेब्रुवारीसिम सोलिगोन। बेनि अनगाथैबो, वाल्ड कापआव बाहागो लानाय हान्जाफोरखौबो हान्जानि बायदियै बोखानाय जायो। वाल्ड

कापआव गासै मोन 16 हान्जाफेर बाहागो लागोन। बे गासैबो हान्जाफेरखौ मोन 4 हान्जायाव बोखानाय जादों। बादयलानाययाव गासै 41 मेचफेर गेलेनाय जागोन। टिम इन्डियाआ 19 जानुवारीयाव वेस्टइन्डिजनि हँथायै गावसोरनि केम्पेन्सखौ जागायगोन।